

Botae Nsia Nti

A Gabriel Bɛseraa Daniel



. . . nanso eye me nwanwa de ma, yen mmabunu nketewa no anɔpa yi, ketewa no, mo nim, nketewa *fefe* ne *fifi*, ketewa no, ɔno, mo nim, *wɔadi dunsia*. Na wɔbaa asafo no mu, mo nim, efa, mmaayewa nkumaa ho, beye saa mfee no, wɔpe se wɔn ho yefe, mo nim, wɔn, mo nim, tiri nwi aye nnomee, wɔ wɔn tiri so; Me hyee wɔn nso, bere a na meraka asem no, me kɔso ara hwɛe wɔn, hwɛe wɔn, na akyire yi no, na erehu afiri wɔn anim, na nnomee no nyinaa atenetene.

² Onuabaa Downing abaayewa kumaa no, na—na me hyee no nso. Na kumaa—kumaa—kumaa. . . Onuabarima Collins kumaa. . . Ne din de sen? Kumaa. . . [Onuabarima bi ka se, “Betty.”—Os.] Betty, Betty kumaa. Me ase me seree kakra, kyerɛ me ho. Nanso me hunuu ahoɔfɔɔ no nyinaa, mo nim, wɔn nyinaa asiesie wɔn ho, na afei eno tee na aye se. . .

³ Eye, nhyira nka w’akoma, ɔɔɔɔ, wo ho yefe, ma me, se etee biara. Eye nokore. *Ahoɔfe* ye, ye honhom fɛfɛ a ɔɔɔba na wabɛtena nhyiamu ase te saa, na watie Asempa no. Eno ne dec ema abaayewa ho yefe. Na me susu se abarimaa paa biara, a ɔfata se ɔɔɔwaree, susu adekorɔ saa. [Onuabarima Neville ka se, “Amen.”—Os.] Meda w’ase, owura. Eno ye. Obi ne me aye anokorɔ. Eno, eye nokore. Ne nyinaa ye. Me gyedi se eno ne Nokore no.

⁴ Afei eno nye nwanwa? Me bueei kɔɔ Daniel 9 pee bere a me buee me Twerɛ Kronkron no mu. Afei, metaa ka kyerɛ obiara, enyi wo ataadee ngusoɔ ngu hɔ, a tokuro wɔ aseɛ deɛ no mu, enti mewɔ anidasoɔ se me deɛ no nni bi. Nanso—nanso mehunuu bere bi a na mentumi nyi ngu hɔ, a na tokuro wɔ aseɛ deɛ no mu, nokore paa. Na me susu se baako yei nni bi.

⁵ Afei, oh, ekɔ ma me ara, yen. . . na me gyedi de ma atiefɔɔ no, yeani sɔ Honhom Kronkron no Animpa no anɔpa yi.

Na y’ani sɔ ayɔnkofa no ene ɔfoforɔ biara a ɔwɔ ha. “Senea eye de fa, senea eye papa fa, senea eye ahomeka fa, se anuanom bɛtena abom baakoye mu. Ete se aboɔden ngo pa a esiane guu Aaron abɔdwese mu, na esiane guu n’ataadee mmuano so.”

⁶ Mekɔ se merəkɔ didi enne, ewɔ Blue Boar hɔ, na hwan na me kɔ hyiaa no wɔ hɔ na eye Onuabarima Bill a ɔwɔ ha yi, ena Onuabaa Dauch a ɔte hɔ yi, na—na wɔrewe akokɔnam a wɔakyee a eye- fe paa, a mahunu pen, na wɔanya bere nwanwasoɔ bi, mfifire refiri wɔn, mo nim. Me foroe kɔɔ soro na meko hyiaa asafo

no ne fa kɛsɛɛ bi wɔ soro hɔ, na wɔpɛɛ sɛ wɔtua m'aduane no ka. Afei, na ɛno yɛ paa, m'ani sɔ saa.

⁷ Berɛ a me duruu fie no, Billy nie a ɔde tomato adaka mma a obi de brɛɛ me no baaeɛ, wɔde firi saa kwan no so, saa mantam fɛɛfɛ nwonunwunu Georgia hɔ, baabi a ɛyɛ nwunu paa wɔ hɔ, wɔka kyɛɛ me, berɛ yei mu.

⁸ Afei, me hyiaa yɔnkɔɔ kumaa bi wɔ abɔntene. Na mefiri me nsemmsisa mu na mereba, awia yi, na menam asɔre no ho na mereba bɛyɛ danhwere ne fa a abesene koro, na ketewa no . . . ɔyɛ abrantɛɛ yɔnkɔɔ, abɔntene, ɔkaa sɛ . . . Me kaa sɛ, “ɛyɛ hye.”

ɔkaa sɛ, “ɛyɛ *nokorɛ* saa!” Na me nim sɛ ɔfiri Georgia, enti ɔkaa sɛ, “Nokorɛ ewiem yɛ hye paa wɔ Georgia fam!”

⁹ ɛyɛ, yɛrebɔ mmɔden sɛ yɛbɛdwane afiri beaɛ a ɛyɛ hye kyɛne saa, yɛrenyɛ anaa? ɛno nti na yɛwɔ ha.

¹⁰ Meda mo ase bebreɛ, nnamfonom, de ma mo ayɛmyɛ nyinaa. ɛdeɛn na anka mɛyɛ sɛ wo nni hɔ a? ɛdeɛn—ɛdeɛn na anka mɛyɛ sɛ wo nni hɔ a? Sɛ na me nni obiara a na ɔdo me a, obiara nni hɔ a ɔbetie Nkransɛm no, me Nkransɛm no nyinaa nyɛ papa biara. Merentumi nka No nkyɛɛ telefon dua ɛne nnua. Wɔrentɛ asee. Enti ɛsɛ sɛ ɛyɛ nnipa te sɛ mo nyinaa, mo na mobɛba abetie. Na sɛ mo ba na mo betena beaɛ a ɛhɔ yɛ hye te sei a, na ɛyɛ . . . Me yere kaa sɛ na ɔpɛ sɛ ɔhye wɔ akyire hɔ, anɔpa yi. Na me hunuu nnipa, na ɛtɔdabi a nnipa a wɔyareɛ, na wɔtete saa nhyiamu no ase te saa, Onyankopɔn ma mo a—a fɛɛfɛ, ɔdo fie wɔ Animuonyam mu, ɛyɛ me mpaɛɛ. Na me wɔ anidasoɔ ne awɛrɛhyɛmu sɛ ɔbɛyɛ saa.

¹¹ Afei, momma yɛnhwɛ. M'atadeɛ ngusoɔ, obi faa no ha. Na ɛsɛ sɛ me yɛ akenkan ketewa bi anadwo yi. Dodoɔ sɛn na wɔwɔ anigyɛɛ wɔ ɛfa no a ɛdikan no mu? [Asɔrefoɔ no ka sɛ, “Amen.”—ɔs.] Oh, sɛ na ɛnyɛ hye paa a, anka yɛbɛkɔ so ara, akɔso ara wɔ nnawɔtwe no mu, ɛne—ɛne Adiyisɛm Nwoma no. Me do No. Me te Ne mu. Na mommɔ mpaɛɛ, ase, mma me, nnawɔtwe yi, ɛfiri sɛ Kwasiada a ɛdisoɔ no me . . . ɛyɛ Awurade pɛ a, ɛsɛ sɛ me hyia saa, mede saa nnawɔtwe no nyinaa bom. Na ɛno yɛ biribi a me nnim biribiara fa ho. Na enti merɛnya awɛrɛhyɛmu wɔ Awurade mu sɛ ɔbenya mmuaɛɛ no ama me.

¹² Na me—makenkane nnipa sononko bebreɛ a—a wɔkasa faa ho, a wɔtwɛrɛ faa ho. Makenkane Dɔkota. Scofield, nwomanimfoɔ kɛsɛɛ bi n'aseɛ hɔ nsem, nanso nokoreni mantumi ne no anyɛ adwene, ɛwɔ n'aseɛ hɔ nsem pii no ho, ɛfiri sɛ mentumi nhunu. Baabi a . . . ɛsɛ sɛ—sɛ ɛma mfonini no yɛ nokorɛ.

¹³ Afei, sɛ wode tebea hwanyann a aseɛ tee yɛ den rebom a, na adeɛ a ɛdikan a wo nim, wo ka sɛ, “Oh, yei kɔ soro *ha*. Daabi, me wɔ awɛrɛhyɛmu sɛ yei kɔ soro *ha*.” ɛyɛ, ɛsɛ sɛ wo hwɛ wo nhwesoo no so, de hwɛ deɛ woreyɛ. Na afei sɛ wo—sɛ wonyɛ a, wobɛnya wo tebea no nyinaa basaa.

14 Afei edeen se anka worefa . . . woretwa akurase kɛsɛɛ, fɛɛfɛ bi mfonini a, na nantwie bi rewe ahahan wɔ dua no so ɛ? Afei, ɛno nye papa (ɛbɛyɛ?), ɛfiri se ɔnwe ahahan wɔ dua so. Enti, saa kwan no ara so na ɛtɛɛ se, wo, Honhom Kronkron no amfa Twerɛsɛm no amom a. Afei, wo nya ɔgyɛ ho mfonini, kɛsɛɛ no nyinaa. ɛno ne deɛ yɛpɛ, Nokorɛ no. Na kɔsi se yɛbɛhunu Nokorɛ no, yɛbɛgya no hɔ ara. Na afei, se Onyankopɔn ma yen Nokorɛ no a, ɛye, afei mekasa afa ho.

15 Monim adeɛ? Me susu se Onuabarima Roy Slaughter ɛne—ɛne adada-foɔ no pii wɔ ha, a wɔfirii aseɛ ha berɛ tenten a abɛsene korɔ . . . Na biribi wɔ hɔ, me susu se, mfirinhyia mmiensa anaase nnan a ɛdikan wɔ me som adwuma mu no, ɛwɔ asɔrefie ha pɛɛ, Na merenka asem no mfa asemtire amanehunukrom ho, ɛfiri se na me—mantumi anhunu no se ebia na ɛye baabi a ɛrehyɛɛ, se na ebia ɛye damena. Na berɛ biara a Asem no kaa se, *damena* no, menya asekyere no, ɔkaa se, “*Hades.*” *Hades* ye “damena.” Berɛ biara a ɔkasa faa amanehunukrom ho no, “*Hades*, damena no.” Na me gyaa no hɔ ara kɔsii se me hunuu deɛ na merekasa fa ho no paa, afei me kasa faa amanehunukrom ho, enti berɛ a me hunuu mfonini no mu paa no na me hunuu baabi a na ɛwɔ. ɛfiri se, me wɔ atenka se ɔsɔfoɔ wɔ asodie ma Nyankopɔn, deɛ ɔka kyere saa asɔrefoɔ no, ɛfiri se wɔbɛkura ɛno mu pɛɛ. Na enti, afei, edeen se me ma wɔn kura beaɛ bɔne mu a, na afei ɛberɛ duru na baabi a wɔkura no rengyina ɛ? Mohu?

Na wɔ saa anisoadehunu no a Awurade maa me no, berɛ bi a abɛsene korɔ no, berɛ a saa mpem ahodoɔ no . . . berɛ a saa ɔbaako no rekasa kyere me no, ɔkaa se, “Wɔbɛbu wo atɛn, kane, ɛnam Asempano no a wo ka no so.”

16 Me kaa se, “Me ka adekorɔ no ara a Paulo kaaɛɛ no bi, ne deɛ ska ho no.”

17 Na saa nne mpem ahodoɔ no nyinaa teaam, “Yede yen ho ato ɛno so.” Na ɛne no. Mohu? Nokorɛ.

18 Enti mepɛ se me toaso ara anadwo yi, afei, sɛdeɛ yenkyere pii. Na mommma mo werɛ mfiri seesei . . . Afei, anɔpa yi . . . Mewɔ nsem kakra wɔ ha. Anɔpa yi mekasa faa Daniel a ɔwo nnommumfa mu, na Gabriel reba ne nkyen na wakyerekyere no daakye nsem. ɛno ne deɛ na yenya no anɔpa yi, nkyerekyere a ɛfa daakye ho.

19 Afei, anadwo yi, yerekasa afa *Botae Nsia Nti A Gabriel Beseraa Daniel*. Kwasiada a ɛdi hɔ no, se ɛye Awurade pɛ a, yede nnawɔtwe aduɔson no beto, baabi a wɔwɔ, wɔ berɛ no nsusue mu. Na ɛhe na yɛgyina? Afei, se anka yɛbetumi ahunu ɛno nko ara na wama no aye nokorɛ a, ɛnneɛ na yɛbɛhunu dɔn a yɛte mu no. Afei, yerenhunu berɛ a ɔreba; obiara renhunu ɛno. Yesu No ara, nnim. ɔkaa se ɔnnim. ɔkaa se Agya no, nko ara, na ɔnim ɛno. Abɔfoɔ no mpo Wɔnnim. Yen mu biara nnim berɛ a ɔreba,

nanso yebetumi aka dɔn no—no a . . . bere a yete mu yi, yebɛhunu senea yabene ho yie.

²⁰ Afei, sɛ yerekɔ-akyire kakra, ɛfiri sɛ mmarimaa no rekyere yei gu ahoma so. . . Mfidie no reye adwuma wɔ akyire hɔ dan no mu. Na tape no, ɛwom, wɔto pete, baabiara.

²¹ Afei, anɔpa yi adesua no, akyire yi a yahwehwe mu wɔ ti 4 ne 5 no, afei ye gyinaa . . . yɛrefiri aseɛ wɔ Daniel ti 9 no. Na afei, anadwo yi, yeretɔa so wɔ ti 9 no. Ansana yebekɔ so no, momma yɛnsi yɛn tiri ase kakra na yɛnkasa nkyerɛ Asem no Twerefoɔ no.

²² Yɛn Nyankopɔn domfoɔ, yɛwɔ ahotosɔɔ sɛ Wo nim yɛn akomam adwene. Wo nim deɛ nti a yɛwɔ ha. Na Wo nim sɛ yemma anadwo yi esiane sɛ yɛsusu sɛ ebɛyɛ beaɛ papa sɛ yebɛba nti, na yabɛnya ahomɛgyɛɛ kakra awia yi. Agya, mennye nni sɛ onipa baako bi wɔ ha ma saa botaeɛ no. Me gyedi sɛ yɛwɔ ha anadwo yi ɛfiri sɛ yɛyɛ nokwarefoɔ, di nokorɛ, na yɛpɛ sɛ yɛ hunu SɛDEɛ AWURADE Sɛɛ NIE.

²³ Yɛdɔ Wo, Awurade, na yɛdɔ W'Asɛm. Na sɛ saa beaɛ yi a Wo de ama yɛn yi, ye nkurue wɔ yɛn tiri so, ɛne saa kɔnkrit blɔk pii yi, yɛda W'ase de ma beaɛ no. ɛfiri sɛ, yɛgyedi sɛ Efie bi wɔ akyirikyiri hɔ, baabi a y'ani kyere wɔ saa kwan no so. Na yɛdwene yɛn nananom a wannya saa akwanya yi ho, na ɛma yɛn bɔ yɛn mu ase wɔ aniwuo mu, Awurade, sɛ yɛbɛnwiinwii mpo.

²⁴ Afei, Agya, yɛbɔ mpaɛɛ sɛ Wobɛbue Twereɛsem no, ama yɛn, anadwo yi. Bra, na bɛne, yɛn mu biara ɛnante, bere a yɛrefa kwan yi so anadwo yi. Kasa kyere yɛn te sɛ deɛ Wo ye maa wɔn a na wɔrekɔ Emaus no, na wɔfiri Yerusalem no. Sɛ, bere a ɔsom no aba awieɛ no, anadwo yi a, yebetumi akɔ yɛn fie ahodoɔ no mu na y'aka sɛ, “Yakoma mu anhyehye yɛn bere a yetee sɛ ɔrekasa fa N'Asɛm mu!”

²⁵ Hyira akenkan no so. Hyira me mmɔdemmo kakra no so, Awurade. Bue m'ano ma deɛ eye nokorɛ, na to mu ma deɛ ɛnye nokorɛ. Na gye animuonyam ma Wo ho, ɛne animuonyam wɔ Wo nkurɔfoɔ mu, sɛdeɛ wɔbetumi ahunu dɔn a yete mu yi ɛne Awurade Yesu Mmaɛ no a abɛn. ɛfiri sɛ, yɛbisa wɔ Ne—Ne Din mu, Yesu Kristo Din mu. Amen.

²⁶ Afei, yerekɔ akyire simma kakra wɔ yɛn Twereɛsem no mu no, yɛhunu sɛ Daniel akɔ nmommumfa mu mfirmhyia aduosia-nnwɔtwe. Monwene ho! Afei, mo, ɛne mo krataa ne twereɛdua, mo a mo annya no anɔpa yi no, mobɛnya no anadwo yi. ɛfiri A.D. 606 kɔsi 538. Mɔnyi 538 mfiri 606 mu, monya mfirmhyia aduosia-nnwɔtwe a Daniel kɔɔ. . . nmommumfa mu; ɔnni asɔre biara kɔ, asɛnka biara nni hɔ a ɔtie, biribiara nni hɔ. Nanso ɔnyaa nwoma binom, bobɔnwoma bi, a odiyifoɔ bi dii n'anim a na wahye nkɔm, na ɔne—na ɔne Yereɛmia.

²⁷ Afei, bere a ɔresua Twereɛsem no, ɔhunuu sɛ bere no reba awieɛ, eye mfirmhyia aduɔson no. . . Na Daniel gyee asem biara a Yereɛmia kaaɛ no dii yie. Na meka yei kyere, masuafoɔ kuo yi

anadwo yi: Eɛe se yegye yen adiyifoɔ no di anaa? [Asɔrefoɔ no ka se, “Amen.”—Ɔs.] Aane, owura. Efiri se, Awurade Asem no baa adiyifoɔ no nkyen. Wɔwɔ SEDEE AWURADE SEE NIE. Na nokore diyifoɔ renye sononko da mfiri—mfiri odiyifoɔ foroɔ no asem ho. Wɔremma No nka biribi a Eno anka da. Wɔbɛka dee nokore diyifoɔ no kaaɛ pɛpɛɛɛ, eno na ɛma wɔn ye adiyifoɔ. Afei se wɔnya eno a, na afei wɔhye dee ɛreba ho nkɔm a, wɔnim yei no, wɔde akoma mu suro, anhwe a na waka biribi a ɛnye nokore na adi obi anim ama no afom kwan. Yɛmpɛ se yɛbɛye saa da. Yɛpɛ se yenya ahotosoɔ paa se yɛwɔ Awurade Asem no ansana yaka SEDEE AWURADE SEE NIE. Mohu? Eɛe se ɛye osiwieɛ, na ɛye nkransɛm a efiri Nyankopɔn Ahennwa no anim tee, anye saa a ɛnɛ se yɛka da.

28 Afei, bere a ɔresua Twerensɛm no, ɔhunuu se mfirmhɔya aduɔson no reba awieɛ. Enti, na wadi mfirmhɔya aduosia-nnwɔtwe wɔ hɔ, na aka mfirmhɔya mmienɔ wɔ daakye kɔsi se Onyankopɔn besane de Ne man aba wɔn asase soɔ.

Bere a ɔwɔ mpaebɔ mu no, yɛhunuu se Ɔbɔfoɔ kesee bi firi Soro baaɛ. Obi bɛtumi abɔ Ne din? [Asɔrefoɔ no ka se, “Gabriel.”—Ɔs.] Gabriel. Na Ɔno ne Ɔbɔfoɔ a ɔbaa Yudafoɔ asafo no nkyen. Dodoɔ sɛn na wɔnim saa? Baabiara, ɛye Gabriel. Gabriel ne ɔsomafoɔ de ma asafo no, Yudafoɔ asafo no; ɔbaa Maria nkyen; Ɔbaa Sakaria nkyen. Bere biara, ɛye Gabriel. Na Ɔye Ɔsoro Abɔfoɔ akeseɛ no mu baako. Na ɛnye Ɔno na ɔde nkɔya nwanwasoɔ brɛɛ yen Nuabarima Daniel firii Onyankopɔn hɔ! “Oh, Daniel, ɔbɔfoɔ kesee!”

29 Eno mma wo ho ntɔ wo anaa, se wo dwene se Onyankopɔn dɔ woɔ? Se na ɔnnɔ me kesee a, mɛpɛ se mɛhunu se wɔbɛdɔ me kakra wɔ soro Hɔ, wɔrempe saa? Nokore. Aye se . . . Ɔdwene me ho, bere bi duru a, ɛma me ye se menteam, se me dwene se Ɔdwene me ho. Na yɛwɔ ahotosoɔ se Ɔdwene yen ho, efiri se, “Bere a na yɛdaso ye adebɔneyefoɔ no, Kristo wui maa yen,” onuabarima. Na, afei, na yɛye ahɔhɔɔ firi Onyankopɔn ho, seesei wama yabɛn Onyankopɔn na wama yen nkɔwagyee dwaha no, eno ne, Honhom Kronkron no. Na ɔde gyidie wɔ ɛmu hɔ a ɛma yenso tra wiase nnɔɔma nyinaa, na yɛtena so. Eno ye animuonyam. ɛnye saa? Ne nyinaa ye.

30 Bere a ɔwɔ mpaebɔ mu no, Gabriel baaɛ na ɔka kyereɛ no se ɛnye se aka mfirmhɔya mmienɔ nko ara ansana wɔasane ako wɔn asase so, mmom ɔka kyereɛ no saa ɔman no awieɛ nyinaa. Monwene ho! Awieɛ no nyinaa, akwantuo biara wɔ asase so, Gabriel kyerekyerɛ mu kyereɛ Daniel. Ɔkaa se wasoma no se ɔnka nkɔyerɛ Daniel adeɛ kesee yi. Sɛnea saa odiyifoɔ no nyaa atenka! Na Ɔka kyereɛ no se wɔahye nnawɔtwe aduɔson wɔ ɔman no so, kɔsi awieɛ no; eno ne awieɛ bere no, enti ne nyinaa aba awieɛ, awieɛ no. Ɔkaa se, “Nnawɔtwe aduɔson na ɛwɔ hɔ.”

31 Wŋn mu binom kyere mu kŋ abosome mu, ebinom kŋ nna mu, ebinom. . . Huh! Sɛ ɛye nnawŋtwe nokorɛ a, na ɛbɛye mfee mmieniu ne nkyemu nnan mu baako, anaase afe baako ne nkyemu nnan mu baako. Na, hwɛ, wo. . . Ɛhŋ ne baabi a ɛsɛ sɛ yɛhwɛhwɛ, sɛ yɛbɛyɛ nokwarefoŋ.

32 “Wŋahye nnawŋtwe aduŋson wŋ wo man so.” Botaeɛ bɛn nti? Ɛdeɛn nti? Hwan nkurŋfoŋ na wŋahye no wŋn so? Daniel nkurŋfoŋ, Yudafoŋ no. Na ɛdeɛn nti na wŋahye? Ɛnye Daniel nko ara so, na mmom Daniel kuro kronkron no so; hwɛ, Daniel kuro kronkron no. Afei, asuafoŋ kuo, na ɛdeɛn ne Daniel kuro kronkron no? [Asɔrefoŋ no ka sɛ, “Yerusalem.”—Ɔs.] Yerusalem.

33 Na afei yɛrebɛfa, ebia yɛbeduru hŋ anadwo yi: Ɛhe na Yerusalem wŋ? Hwan na ŋhyɛ Yerusalem aseɛ? Mo adwene ɛno ho pɛn? Hwan na ŋhyɛ Yerusalem aseɛ? Bɛrɛ bɛn na wŋhyɛ aseɛ? Yɛbeduru hŋ, bɛrɛ bi akyi. Hwan na ŋhyɛ Yerusalem aseɛ? Abarimaa, ɛye biribi ketewaa bi a wŋde asie wŋ ntweaso hŋ, nanso Nokorɛ kyere ɛno. Aane, owura. Hwan na ŋhyɛ Yerusalem aseɛ, na bɛrɛ bɛn na wŋhyɛ aseɛ? Ne nyinaa ye. Na ɛno ne Daniel kuro kronkron no.

34 Na yɛte aseɛ sɛ saa kuro no, a seesei ayɛ nnomee bɛye mƒirinhyia mpem mmieniu nie no, wŋbɛsane akyekyere na wŋasane-de asi hŋ bio. Na asɔrefie som no wŋbɛhyehye te sɛ deɛ na ɛteɛ mƒitiaseɛ no. Ɛye nokorɛ. Yerusalem bɛye, seesei, na aƒɔrebŋ bɛwo hŋ, wŋbɛma ayɛyɛadema bio te sɛ deɛ na ɛteɛ wŋ mƒitiaseɛ no. Yɛbɛkŋ ɛno mu bebree, me susu sɛ, anadwo yi, anaase emu dodoŋ no.

35 Afei mɛpɛ sɛ mo hunu, namfonom, sɛ, merebŋ yeinom soŋ no, nokorɛni mereyi nnawŋtwe no nkyerekkyere no afiri mu. Nanso merebŋ so, enti sɛ ewiem dwo a, anaase ɛye kakra akyire yi a, bɛrɛ a yɛbɛkŋ saa Nsŋano Nson no mu no, Nkuruwa Nson, Totorobento Nson, saa nnŋɔma yi nyinaa, a mɛtumi atwe adwene asi akyire na maka sɛ, “Monkae wŋ Daniel nnawŋtwe aduŋson no mu? Mokaɛ Asafo bɛrɛ no, bɛrɛ a ŋkŋŋ soro no, na ɛdeɛn na ɛsiie?” Na saa Daniel nnawŋtwe aduŋson no hyɛ aseɛ firi Asafo no soro kŋ kŋsi sɛ Asafo no resane aba. Saa kwan no na ɛda mu. Afei, afei, ɛnye Daniel nnawŋtwe aduŋson no nyinaa; ɛfa bi. “Nnawŋtwe aduŋson na wŋahye.”

36 Afei, na botaeɛ nsia bi wŋ hŋ de ma Ne nsra no, ŋreka kyere no deɛ na ɛrebɛsie. Afei, na botaeɛ nsia bi wŋ hŋ de ma Ne mmaɛɛ no. Afei, anadwo yi, me susu sɛ yɛbɛfiri ha wŋ Twɛrɛsɛm no mu ha baabi a na yɛwŋ anŋpa yi, baabi a na botaeɛ nsia no wŋ no. Ɛha na yɛwŋ. Afei yɛhunu sɛ na botaeɛ nsia wŋ hŋ, ɛmu baako. Afei momma yɛnkŋ. . . -ti nnan, ŋno . . . - nyiyimu a ɛtŋso nnan. . . nyiyimu 24 wŋ Daniel ti 9 no.

Na wŋahye nnawŋtwe aduŋson wŋ wo man no so. . .

Afei monkae, se ne nyinaa ne akwantuo a Israel benya wo asase yi so. Wɔahye ama wɔn. Nnawɔtwe aduɔson na wɔahye. Eno ne deɛ wɔde ama Yudafoɔ no.

. . . wɔ wo man ene wo kuro kronkron no so, . . .

Ne saa nti, saa nnawɔtwe aduɔson yi, afei momma no mpa mo ho, ɔbeyi no adi afiri saa bere no akɔsi Yudafoɔ no awieɛ, na akɔsi Yerusalem awieɛ nso, kɔsi se wɔbɛkyekyere kuro foforo. Afei, oh, mewɔ anidasoɔ se yebeko mu, yie paa ena aseɛ anadwo yi.

*. . . wɔahye wɔ wo man ne wo kuro kronkron no so . . .
(aye deɛn?) . . . se wɔnwie mmarato, . . .*

³⁷ Edeɛn na ɔka kyereɛ no seesei? Na ɔrebo mmɔden se ɔbehunu mmerɛ tenten a erebesie. “Me nim se yewɔ awieɛ bere mu.” Te se deɛ yeteɛ seesei, “Awurade . . .”

³⁸ Dodoɔ sen na wɔwɔ saa asuafoɔ kuo yi mu, anadwo yi, a wɔgyedi se yewɔ awieɛ bere no mu? Monka se, “Amen.” [Asɔrefoɔ no ka se, “Amen.”—ɔs.] Meda mo ase. Yewɔ awieɛ no mu. Afei yerebo mmɔden se yebɛhu, enam Onyankopɔn so, bere tenten sen na ebeba. Da ben na yete mu? Eno nti na yereko y’akyi na yerefa saa adiyifoɔ yinom, ene deɛ ekeka ho, na yerebo mmɔden ahunu baabi a yewɔ.

³⁹ Na eno ne deɛ Daniel yeeɛ. ɔdaneɛ n’ani kyereɛ Onyankopɔn. Dodoɔ sen na mokenkaneɛ Daniel ti 9 enne? Momma mo nsa so. Ne nyinaa ye. Mo ahunu ne mpaɛɛ no, senea ɔpaɛɛ mu kaa ne man bɔne, na ɔpaɛɛ mu kaa ɔno ara ne bɔne. Na ɔpɛse nokore mu ɔhunu bere a na eɛ se wɔsane ko wɔn akyi, ɛfiri se na ɔpɛse ɔnya nnipa no ma wɔsiesie wɔn ho na wɔko wɔn akyi.

Afei, deɛ merebo mmɔden aye ne se, mehunu bere a yereko soro, na yama nnipa no asiesie wɔn ho se wɔbɛko soro, wɔn a wasiesie wɔn ho. Na yede yen ani akyere Onyankopɔn, enam mpaɛbo ene nkotosre so, de hwehwe mu, “Awurade, dɔn ben na yete mu yi?”

⁴⁰ Yahunu saa nnoɔma yi nyinaa se eresie; yahunu wiase se ewɔ basabasaye mu. Yehunu se bere no aben. Nsaano- . . . nsaano ntwerɛɛ no wo fasuo no ho, biribiara a Onyankopɔn kaaɛ. Yate se yen Manpanin no rekasa fa ɔko foforo ho, seesei ara ereba. Yate nkɔmhyɛ, “Emu, oh, nnɔnhwere kakraa bi mu ɔko no akyiri no, wahye nkɔm se aman nye hwee gyese ogya bepo mu nso.” Na yenim se yewɔ.

Enti yenim, ansaana saa besi no, eɛ se Asafo no ko. Enti, “Awurade, ehe na yewɔ?” Eno nti na me gyedi se ɔbema yen ahunu. Y’ani da ho se yebɛhunu. Afei, edikan, momma yen hwe.

*Wɔahye nnawɔtwe aduɔson wɔ wo man so . . . wo kuro
kronkron no so, se wɔnwie mmarato, . . . wɔmma bɔne
nwie du, na wɔmpata amumuye, . . . wɔmfa daa teneneɛ*

mmra, . . . wɔnsɔ anisoadehunu ne adiyisem ano, na wɔnsra akronkronnee mu ade Kronkron no.

41 Eno ne botaaɛ nsia nti a Gabriel de baa nsra no.

42 Afei momma yɛmfiri aseɛ, nɔma baako. Sɛ mope sɛ mo twere a, mo a mowɔ twerɛdua no. Nɔma baako, “Sɛ wɔnwie mmarato,” eno ne adeɛ a ɛdikan. Afei, sɛ wɔnwie Israel mmarato no, deɛ ɔbuu mmara so tiaa Onyankopɔn, ɛbɛyɛ Yakob a ɔredane afiri mmusubɔ ho.

Afei, sɛ yɛbehunu yei no, momma yɛmmue nkɔ Romafoɔ. Romafoɔ ti 11 no, na yɛmfiri aseɛ nyiyimu 21 wɔ Romafoɔ ti 11. Afei yɛrekɔ deɛn so? “Wɔnwie mmarato no.” Romafoɔ 11:21. Ne nyinaa yɛ.

Na sɛ Onyankopɔn ankora dua mman a ɛfiri dua no ara mu fifiriɛ no a, . . . (Deɛ na ɛyɛ hwan? Israel.) . . . monhwɛ yie anyɛ saa a . . . ɔrenkora wo nso.

Afei, mepɛ sɛ mo, sɛ mokɔ fie a, mo kenkan ti 11 yi nyinaa. Merekenkan yei enti . . . Monhyɛ ti 11 no nyinaa nso, na monkenkan.

. . . ɔrenkora mo.

Enti hwɛ Onyankopɔn ayamyɛ . . . ne denyɛ: wɔn a wɔahwehwe aseɛ no so, . . . na wo so deɛ, ne yam yɛ gye sɛ wo tena saa ayamyɛ no mu ara: anyɛ saa a wo . . . wɔbetwa wo, wɔbetwa wo nso bi.

Na wɔn nso, sɛ wɔantena ɔgyɛɛ a wɔnnye nnie no mu a- . . . sɛ wɔantena ɔgyɛɛ a wɔnnye nnie no mu a, wɔde wɔn behyɛ mu: ɛfiri sɛ Onyankopɔn betumi de wɔn ahɛ mu bio.

Hwɛ, ɔrekyɛɛ sɛ berɛ bi bɛba a Amanamanmufoɔ no wɔbetwa wɔn, na Israel asane abehyɛ mu bio.

Na sɛ wɔatwa wo afiri—afiri dua a ne tebea yɛ wuram ngo dua ho (Amanamanmufoɔ), na wɔakwati bɔbea de wo abehyɛ ngo dua pa mu a . . .

Na yɛkwati bɔbea no, ahɔhɔɔ, a yɛnni ahummɔborɔ, a yɛnni Onyankopɔn, a yɛnni anidasɔɔ koraa. Na Onyankopɔn, ɔnam N’ahummɔborɔ so, sɛ ɔmaa yɛn akwanya, ɔbetwa Israel esiane mmarato nti, na ɔyii wɔn sii nkyɛn, wuram- . . . ngo dua pa no, na ɔde wuram ngo dua abehyɛ mu, wɔakwati bɔbea no a.

. . . abehyɛ . . . dua pa ho: mpre ahe ara na wɔremfa yɛinom, ɛyɛ dua no mman no, mmehyɛ wɔn ankasa ngo dua no mu?

Ne nyinaa yɛ, momma yɛnkɔ so nkenkan.

Na anuanom, mempe sɛ, me si mo ahuntasɛm yi soɔ, na moammu mo ho anyansafoɔ; ene sɛ akomapirim aba Israel afaafa mu, aba Israel mu, de kɔsi sɛ amanamanmufoɔ no bewie . . . mayɛ.

43 Kɔsi sɛ Onyankopɔn ne Amanamanmufoɔ no bɛwie, ɔfiraa Israel ani. Wɔmanee kɔɔ bɔne ne mmarato mu tiaa Onyankopɔn, ɛfiri sɛ Onyankopɔn firaa wɔn ani, sɛdeɛ wɔde yen behyɛ mu. Mo ahunu? nyiyimu 26 no seesei:

Na sɛdeɛ Israel nyinaa benya nkwa: . . .

44 Onyankopɔn firaa wɔn ani botaeɛ bi nti de maa mo ne me. Wɔrentumi nhunu, ɛfiri sɛ Onyankopɔn firaa wɔn ani. Na Israel nyinaa, nokore Israel, wɔbɛgye wɔn nkwa. Edeɛn na Ɔbɔfoɔ no kaaɛ? Animuonyam! “Sɛ wɔnwie Israelfoɔ mmarato! M’aba mereka akyerɛ mo sɛ bere bi bɛba a wɔbɛwie Israel mmarato.” Onyankopɔn bɛtwa saa wuram mman no, na ɔde asane, abehyɛ mu, mman paa no mu bio.

45 Oh, ɛtɔdabi a ɛma makoma huri, hwe saa nnipa, ahiafoɔ mmɔborɔfoɔ a wɔatwa wɔn afiri hɔ, na wɔnnim baabi a wɔreko; na wosusu sɛ Onyankopɔn, wɔ N’ahummɔborɔ mu no, ɔyɛ saa sɛdeɛ metumi anya nkwagyɛɛ. Ɔfiraa wɔn ani firii wɔn ara Mesaia no ho, ɔsisii wɔn aso sɛdeɛ wɔntumi ntie No; nanso, wɔhunuu N’anwanwadeɛ no, na wɔhunuu N’anwanwadeɛ ɛne nnoɔma a na Ɔreyɛ no.

46 Mateo, me gyedi, ti 12 no, anaase ti 8 anaase 12, ɔkaa sɛ, “Ɛwɔ mu sɛ na Yesu aye anwanwadeɛ bebree, nso wɔantumi annye anni.” Ɛfiri sɛ, Onyankopɔn kaa sɛ, “Wɔwɔ aniwa na wɔrentumi nhunu, ɛna aso na wɔrentumi nte asem; gyese wɔde wɔn ani hunu na wɔde wɔn aso tie, na mesakyerɛ wɔn.” Nanso, sɛdeɛ yeɛbetumi anya akwanya no, Ɔtwee nkatanimu no guu Ɔno Ara ne mma ani so, ɔyii Ɔno Ara ne mma firii pono no ho, na ɔmaa wɔn kɔɔ Honhom mu mmereye mu, sɛdeɛ Ɔbetumi ahunu. . . sɛdeɛ yeɛbetumi anya akwanya atena ase, na wama yen Nkwa. nyiyimu 26, bio.

*Na Israel nyinaa benya nkwa: sɛdeɛ wɔatwereɛ sɛ,
Ɔgyefoɔ no bɛfiri Sion aba, abɛtu amumuyesɛm ase afiri
Yakob:*

47 Aane, Ɔbɛba Bepɔ Sion so, nna yi mu baako. Wɔ Ngo Bepɔ no so no, wɔbɛhu No, na Israel nyinaa behunu sɛ eyɛ Ɔno. Amanamanmufoɔ no afei na ɔne wɔn awie. Saa mman no a ɔde behyɛ mu no, Onyankopɔn beyi aba a waboa ano no afiri mu. Na saa wuramu mman no wɔbɛ . . .

48 Na afei monkae, wɔ akwire ha bere a mokenkane no, Ɔkaa sɛ, “Sɛ na saa nhini no ye kronkron, na saa nhini no ye Nhini kronkron a, aba no nso a ɛfiri saa Nhini kronkron no mu no beyɛ aba kronkron.” Na saa Nhini no sɛ na eyɛ Yesu Kristo a, Ɔno a ɔye Dawid Nhini ɛne N’aseni; sɛ na saa Nkwa no wɔ Ne mu a, ɔbaa Yudafoɔ awɔɔ ntoatoasɔɔ no mu na wɔtwa no firii wɔn mu, na wɔfiraa wɔn ani sɛ yeɛbetumi ahunu a, ɛsɛ sɛ yen abrabɔ ye nsusoo ma saa nhyira Mman no. Oh, aane, onuabarima. Eyɛ nokore.

49 Onyankopɔn twaa wɔn firii hɔ, botaeɛ bi nti, ɛna ɔfiraa wɔn ani sɛdeɛ yeɛbenya akwanya ahunu, ɔrema yen akwanya.

Na yenenam te se dee ye ye biribi. Paulo ka kyere wɔn wɔ ha, “Monhwɛ yie, senea mo ye saa. Monhwɛ yie! Efiri se se Onyankopɔn ankora dee efiri ɔno ara mu no a, ebeye den na Ɖbenya ahummaborɔ wɔ wuramu mman no so a dada no . . .”

Enti yenenam, ka se, “Me ye Prɛsbiteriani! Me ye Metɔdisni! Me ye Baptisni! Me ye Pentekosteni!” Eno nkyere hwee mma Onyankopɔn. E se se wɔwo wɔ foforɔ firi saa Honhom Kronkron no a ɔfiri Nhini no mu no. Nanso Ɖba . . .

⁵⁰ Afei, monkae, Ɖrenkasa mfa Amanamanmuni ho. Me de yei rehye ha sɛdeɛ mobɛhunu baabi a Amanamanmufoɔ no nya wɔn akwanya.

⁵¹ Nanso, Ɖba “bɛwie mmarato no,” ɔbɛwie mmarato. Afei, se yesanekɔ Daniel bio a, na yeɛhunu no wɔ Daniel mu, ye hunu no wɔ ha, nyiyimu 24 no. Ne nyinaa ye. “Sɛ ɔnwie mmarato.” Sɛ ɔnwie deen? Sɛ ɔnwie Israel mmarato.

Edeɛn ne *mmarato*? Ene se wɔrefom biribi mu. Wɔrefom atia me, ne se wɔreyɛ me bɔne. Obi refom tia wo, ne se ɔreyɛ wo bɔne.

Enti, Israel yeɛ mfomsoɔ tiaa Onyankopɔn. Na wɔ saa nnawɔtwe adujonson mu no, e deɛn na ebɛsie? Onyankopɔn bɛwie Israel bɔne no. “Ɖnwie mmarato no,” bɛye, “ɔbɛtu amumuyesem ase afiri Yakob mu.” Na afei wɔbɛwo Israel nyinaa foforɔ. Wɔn nyinaa bɛnya Honhom Kronkron no.

Afei, nɔma mmienu, montwɛɛ eno wɔ mo krataa so.

⁵² Yeɛtumi atena eno so mmere tenten, nanso mɛmpɛ se mɛye asenka afa ho. Mɛpɛ se me kasa kyere mo, sɛdeɛ mobɛtumi anya no yie. Se ye kɔ saa Nsɔano Nson no mu a, afei mobɛfa Asafo no mu, afa Nsɔano ahodoɔ no mu, afa Ɖhaw ahodoɔ no mu, na yahunu baabi a yegyina. Ne nyinaa ye.

⁵³ Nɔma mmienu, “Wɔmma bɔne nwieɛ.” Afei momma yenkenkan bio, Daniel.

. . . se wɔnwie . . . mmarato, na—na wɔmma bɔne nwie du, . . .

Eno ne Ne botaeɛ a etɔso mmienu nti a ɔreba. Edikan, ene se wɔnwie Israel mmarato; na wɔmma bɔne nwie du. Eɛhefa na Israel yeɛ bɔne? Eɛhefa na wɔyɛ wɔn bɔne kɛsee no? Eɛhefa na wɔtee wɔn ho firii Onyankopɔn nkyɛn?

⁵⁴ Afei montie no yie. Momma yɛmmue nkɔ Ɖhoteni Mateo 24. Na eha ne baabi a Israel yeɛ ne mfomsoɔ kɛsee no. Eha ne baabi a ɔyeɛ ne bɔne a eɛdi akyire, ene dee nti a ɔwɔ tebea no mu enne. Mateo, ti 27 no wɔ Ɖhoteni Mateo Asempa, ene nyiyimu 25 efiri ti 27 no. Momma yɛmfiri aseɛ wɔ—wɔ nyiyimu 21 no.

Amrado no bisaa wɔn se, Wɔn mmienu yi mu hwan na mɔpɛ se megyaa no mema mo? Na wɔkaa se, Baraba.

Afei monkae, eno ye Israel. “Baraba!”

Pilato ka kyereε wɔn sε, Edeεn na menyε . . . Yesu a wɔfrε no Kristo no? (Montie wɔn!) Wɔn nyinaa ka kyereε no sε, Ma wɔmmɔ no asennua mu.

Monkae, ɔno ne wɔn Mesaia a Daniel kaaε sε ɔreba no. Monkae anɔpa yi, wɔ adesua no mu ha, “Wɔbetwa no atwene, enyε Ɔno ara,” enyε biribiara a Ɔyεεε.

. . . Ma wɔmmɔ no asennua mu.

Na amrado no kaa sε, Adeɛn, bɔne ben na wayε? Nanso wɔteateaa mu dendeenden, kaa sε, Ma wɔmmɔ no asennua mu.

Afei Pilato hunuu sε ɔntumi nye ho hwee, mmom . . . nanso sakasaka reba no, na ɔfaa nsuo, na ɔhohoroɔ ne nsa nkurɔfokuo no anim, kaa sε, Medi bem wɔ onipa tenenee yi mogya ho:mo ara . . . monhwε.

55 Montie! Wɔn mfomsoɔ nie. Wɔn bɔne no nie.

Afei ɔman mu no . . . buaa sε, na wɔkaa sε, Ne mogya mmra yen so, ne yen mma tiri so.

56 Ɛhɔ ne baabi a wɔyεε no. Na ɔrema bɔne awie du ama wɔn. Ɛbeyε den na Ɔbetumi ayε biribi foforoɔ gyese ɔde kye wɔn, bere a ɔnim sε εsε sε Ɔfira wɔn ani, sedεε yεbetumi aba mu? Ɛte sε Ɔno ara Ne mma na wɔrepe Ne Mogya. Na ɛfira wɔn ani, ɛna Ɔnim sε wɔn ani afira. Ɛno nti na Ɔteaam srεε fakye maa wɔn no. “Fakye wɔn, Agya, ɛfiri sε wɔnnim deε wɔrepe.” Na wɔyε anifirafoɔ. Yen nti na wɔyεε wɔn anifirafoɔ. Wɔ wɔn anyeannie mu na wɔyεε yei. Nanso sε wɔhu No bio a . . . Amen!

57 “Wɔmma bɔne nwie du.” Edeεn ne bɔne? Anyeannie. Na wɔnnye nni sε ɔno ne Mesaia no. Wɔantumi anhu No sε ɔye Mesaia, nanso Ɔyεε nsenkyerɛnneε biara a na εsε sε Mesaia no ye. Nanso wɔantumi anhunu. Na wɔyε anifirafoɔ.

58 Enti sε mo hunu nnipa sε wɔreka sε, “Me nnye Nyankoma ayaresa nni. Mentumi nhu no. Mentumi nhunu Honhom Kronkron mu asubɔ yi.” Mma wobo mmfu wɔn; wɔyε anifirafoɔ. Wɔka sε, “Mentumi nhunu saa Nkransεm yi sε Ɔreba. Mentumi nhunu saa Honhom Kronkron asubɔ yi. Mentumi nhunu aboa no aseni no. Mentumi nhunu saa nnoɔma yi.” Wɔyε anifirafoɔ, na wɔnnim. Bɔ mpaεε ma wɔn. Ne nyinaa ye.

59 Wɔ wɔn anyeannie mu no; mmom, sε wɔhu No a, sε Ɔba bio a, ɛbεma wɔn anyeannie no awie du. Oh, me! Momma yεmmue nkɔ Gyenesi 25 no, ti 45 no, na yenya a—a ne nsεsoɔ. Matwerε bi wɔ ha, ɛwɔ Gyenesi 45, mo a moretwere no. Oh, senea medɔ saa Asempan dada papa yi! Ne nyinaa ye. Afei yenim baabi a yaduru.

Motumi te me nne yie, wɔ dan no akyi? Momma mo nsa so sε motumi tie me a. Me de yei abene kakra.

60 Afei yεrebεkenkan Twerεsεm yi ne fa bi. Mepε sε mo tie, mo a mo nni mo Twere Kronkron no. Mo a mo wɔ mo Twere Kronkron

no, eʒe Gyenesis. Ɛdikan, momma yemfiri aseɛ wɔ ti 44, yɛrefiri aseɛ wɔ nyiyimu 27 no.

⁶¹ Eʒe Yosef, na Yosef yɛ Kristo nsesoɔ a ɛwie pɛ. Yenim saa. Dodoɔ sɛn na monim saa? Na ne nuanom tane no. Adɛn? Ɛfiri sɛ na ɔyɛ honhom mu ni, ɔhunuu anisoadehunuu, kyerɛɛ daɛɛ ase. Na ɔyɛ honhom mu nnipa wɔ ne nuanom ntam, na wɔtanee no. Na n'agya doɔ no.

Saa ara na Yesu asɔrefekuo asafo ahodoɔ no tanee no, nanso N'Agya Nyankopɔn doɔ no. Adɛn nti na wɔtanee No? Ɛfiri sɛ na Ɔyɛ honhom mu ni. Ɛfiri sɛ . . . Wɔkaa sɛ, wɔkaa sɛ na Ɔyɛ ntafowayifoɔ, bonsam.

⁶² Mo kae deɛ Yosef nuanom ka kyerɛ no? “Ɔdaɛsofoɔ no na ɔreba no.” Mohu? Hwɛ, adekorɔ no ara. Na wɔtɔn Yosef de gyee boɔ korɔ no ara te sɛ deɛ Yuda tɔn Yesu gyeeɛ no, nwetɛbena aduasa. Wɔtoo no too amena mu, na wɔkɔ ka kyerɛɛ agya no sɛ biribi aku no, wawu. Nanso wɔyii no firii amena no mu. Kristo wɔtoo no too amena mu, na wɔyii no. Na ɛfiri hɔ no na ɔkɔɔ baabi a na ɛkorɔn paa wɔ asase so. Amen! Yosef kɔɔ Farao nsa nifa so; na Yesu kɔɔ Nyankopɔn nsa nifa. Wɔ ne sɔhwɛ mu no, ansana wɔrema ne so no . . . Yesu, ansana wɔrema Ne so no, ɔfaa sɔhwɛ mu.

⁶³ Adɛn, me gyedi sɛ na eʒe Billy Sunday, ɔɛmpakani kɛsɛɛ no, ɔkaa sɛ, “Dua biara—biara na Abɔfoɔ ɔpɛpɛm na wɔtɛ soɔ, saa asennua da no, ɔkaa sɛ, “Twe Wo nsa na fa to yen so. Yɛbesesa tebea yi wɔ ha.” Nanso na Ɔrentumi nyɛ.

⁶⁴ Kaiafa kaa sɛ, “Ɔgyee ne ho nkwa; afoforɔ deɛ ɔrentumi ngye wɔn nkwa.” Na ɔnnim sɛ ɔretua biribi ka. Sɛ anka Ɔbɛgye Ne ho nkwa a, na Ɔrentumi ngye afoforɔ nkwa. Enti, Ɔde Ne ho maaɛ, sɛ ɔbɛgye afoforɔ nkwa. Hwɛ, n'ani afira wɔ ho. Afei wɔn . . .

⁶⁵ Afei berɛ a ɔwɔ ne masoɔ mu no, anaase, ansana wɔrema ne so no, ne sɔhwɛ . . . Monkaɛ, wɔde Yosef too afiasɛ nanso na ɔdi bem.

⁶⁶ Romani no, anaase, Israel ɔsahene no, a ne din de Potifar; Potifar kɔɔ, na watu kwan. Na ɔwɔ yere a ne ho yɛ fɛ, na ne yere no frɛɛYosef baa fie sɛ ɔmɛyɛ biribi, na ɔboɔ mmɔden sɛ ɔbema Yosef ayɛ biribi bɔne. Na ɔdii nokware maa Nyankopɔn. Me ka kyerɛ mo, berɛ biara wɔn . . .

⁶⁷ Mo mmaa no, mateateam agu mo so; seesei mereba mo so, simma bi. Mohu? Ɔbaa no ne adeɛ a eʒe mmerɛ paa. Me nim sɛ ɔbarima bɔne ntumi mma ansana ɔbaa bɔne aba. Nanso mmarima a monim saa no, mmarima a monim sɛ moyɛ Nyankopɔn mma no, na mobu ɔbaa kwasea no, mo ani awu; emfaho ne deɛ ɔyɛ. Ɔbaa yɛ adeɛ a eʒe mmerɛ, na monim saa. Sɛ ɔpue abɔntene a, na ɔnyɛ ne ho te sɛ awraa a, sɔ ne nsa na kasa kyerɛ no te sɛ onuabaa. Wo yɛ Onyankopɔn ba. Monnye saa nnoɔma bɔne no. Monhwɛ Yosef, na ɔyɛ nhwesɔɔ de ma mo.

68 Na bere a Potifar yere, saa obaa hoofefoo yi, nimuonyamfoo, okoron paa, obaa a okoron paa mu baako wo aman no mu, sree no na odaadaa no. Na odanee ne ho, na osoo no mu na oboo mmoden se obebam no. Na ogyee ne ho kosii se oworoo n'atadee ngusoo guu ho, na otuu mmirika firii ne nkyen. Aane, owura. Na bere a obarima no baaee no, wodii atoroo faa ne ho, kaa se obaaee se arebeto no mmonnaa, na obaa no gyaa ne. . . na ogyaa n'atadee ngusoo ho. Na enam saa nti okodaa afiase. Nanso, wo afiase ho no, na Onyankoron ka ne ho, emfa ho ne baabi a wode no tooee.

69 Na oye yiedie Ba no sunsum. Biribiara a Yosef yeeee wiee yie. Na se Yesu sane ba wo mfirmihya Apem ahennie mu a, eno nti na anwea pradaaso begu nhyerene te se nhwiren. Biribiara a Oye no diyie. Oye yiedie Ba. Baabiara a wode Yosef tooee no, na oye nhyira. Baabiara a Yesu wo no, eye nhyira. Enti, fa No hye w'akoma mu na ye nhyira.

70 Enti yehunu seesei, se, Yosef wode no too afiase saa bere no. Na afiase ho no na nnipa mmieniu bi wo ho; won mu baako annya nkwa, na obaako nyaa nkwa. Yesu, wo Ne schwe mu wo asennua no so no, koromfoo baako annya nkwa na ofoforo no nyaa nkwa.

71 Bere a Womaa ne so no, Okoo Onyankoron nsa nifa so. Bere a womaa Yosef so no, okoo Farao nsa nifa so, na onipa biara rentumi nkasa nkyere Farao a onnikan nkasa nkyere Yosef na onnya akwanya.

Na bere a Yosef firii ahenfie ho no. . . Oh, me! Se Yosef firi ahenfie ho a, woboo totorobento, na nnipa de mmirika di n'anim, reka se, "Monkoto! Yosef reba!" Amen!

Na se Yesu firi Otumfoo no nsa nifa osoro a, wobehu totorobento. Na kotodwe nyinaa bekoto, na tekyerema nyinaa bepaemu aka se, "Yesu reba!" Nokore! Nanso se. . .

72 Na, monkae, bere a ne nuanom poo no no, edeen na oyeeee? Onyaa Amanamanmuni yere; onyaa Misraim ni yere. Bere a wotwaa Yesu firii Ne nuanom mu akyire ho no, Yudafoo no, Owaree Amanamanmuni Ayeforo. Nanso afei, mfirmihya pii akyi no, bere a wawo mmofra akyire no, Efraim ene Manase, onyaa abusua.

73 Afei, dakoro bi, ne nuanom baa ne nkyen besraa no. Monhwe. Yenim asem no, senea ode biribi ketewa no hyee mu ho, ma wasane baaee. Na oye te se dee na ontumi nka won kasa mpo; onyaa asekyerani, de ma Hebri no, bere a na ono ara ye Hebrini. Na won nuabarima no aba fam. Na wonnim no. Na oye ohene tumfoo.

Na seesei ara, Kristo akosra Yudafoo no, osa won yadee ene nnooma, na wodaso ara nnim Dee Oye, saa Mesaia no.

Momma yemfiri ase wo nyiyimu 27 no mfiri ti 44 no.

Enna w'akoa yen agya ka kyereɛ yen se, Mo ara monim se mma mmienu na me yere wo maa me—me yere woo mma mmienu maa me:

Na wɔn mu baako firii me nkyen kɔɔɛ, . . .

Na eno ye Yosef, ɔno ara a na wɔrekasa kyere no no.

. . . na me kaa se, Nokore ni tetee na wɔatete ne mu; na efiri ho no menhunuu no:

Na se mofa oyi nso firii me nkyen na mmusuo bi kɔto no a, mode me tiri dwono nam awerehoɔ mu na ebekɔ asamando.

⁷⁴ Na wɔwɔ Benyamin kumaa bi wɔ ho, ne nuabarima kumaa no. Monim deɛ Benyamin gyinahɔ ma? Saa nokore Yudafoɔ foforo paa no, a wareboa wɔn ano wɔ ho seesei na waye saa apem ɔha ne aduannan-nnan no, saa—saa abusua yi a wɔreba yi. Enye saa Wall Street kontonkyifoɔ yi, daabi, daabi; eno ye akofoo hunu. Wɔnye Yudafoɔ. Wɔnye Yudafoɔ. Yudafoɔ ankasa no ye saa Benyamin nkumaa no a wɔreba wɔ ha no, na wɔntee Yesu Kristo ho Asem da no.

Na afei se meko . . . ne w'agya . . . ne m'agya nkyen, na abɔfra yi nka yen ho a; me hunu se ne kra fam abɔfra yi deɛ ho;

⁷⁵ Onyankopɔn No ara ne Kra fam Israel deɛ ho. Waware no. Yerebeduru eno so simma kakraa bi, se eye Awurade pe a. Waware Israel. Ne Kra fam ne deɛ ho. Sɛdeɛ me deɛ fam Owurayere. Branham a ɔwɔ akyire ho no deɛ ho no, se me yere, na wo deɛ fam wo yere ho. Wo kra fam ne deɛ ho. Na Onyankopɔn aware Israel. Na eye deen? Yakob kaa se, “Me kra fam abɔfra yi deɛ ho. Meye . . .”

Na se eba se, ɔhunu se abɔfra yi nka yen ho a, . . .

Yosef na ɔrebehwe abɔfra no so, monim. Yenim asem no.

. . . na ɔbewu, ne papa: na wo nkoa de w'akoa yen agya dwono nam awerehoɔ mu na ebekɔ asamando.

Montie saa nkotosre a Reuben reye no seesei.

Na w'akoa dii abɔfra yi ho agyinuwo wo wo . . . wɔ m'agya anim, kaa se, Se mamfa no . . . mammre wo a, enneɛ na maye m'agya bɔne daa nyinaa.

Afei ne saa nti, mesre wo, ma w'akoa ntena ha nsi abɔfra no ananmu nye me wura akoo . . .

Oh, me! Hwe, ɔgyina Yosef anim pɛɛ, ne nuabarima no. Ye ne Yosef, na ɔnnim no. Oh, montwen kɔsi se saa Mfirinhyia apem ahennie no befiri aseɛ, onuabarima!

. . . seesei ma me nsi abɔfra no ananmu nye me wura akoo; . . .

Montie no, ɔrepaemu afa no se, “awurade.”

. . . na ma abɔfra no ne ne nuanom nkɔ.

Na se abɔfra no nka me ho a, ebeye den na mekɔ m'agya anim? enneɛ na merekɔhunu bɔne a ebeto m'agya no.

⁷⁶ Ɔresre, na ɔde ɔno ara ne nkwa ama! Senea Yudafoɔ no begyina hɔ abae wɔn nsa mu! Monhwɛ. Monhwɛ afei nyiyimu, 45, . . . Montie no yie, momma no mpa mo ho. “Afei Yosef tumi. . .”

Afei na Yosef ntumi. . . -nhye ne—nhye ne ho so wɔ wɔn a wɔgyinagyina ne ho no nyinaa anim; . . .

Onuabarima, eno ne bere a wɔbɛma bɔne awie du. Anyeannie no befiri hɔ.

. . . na ɔteaa mu, na ɔmaa nnipa biara firii adi. . . mfiri me ho. Na onipa biara nnyina ne nkyɛn, bere a Yosef yii ne ho adi kyerɛɛ ne nuanom no.

⁷⁷ Eye deen? Mpo ɔno ara ne yere sane kɔɔ ahenfie hɔ. Oh, me! Ayeforo no a ɔwɔ Animuonyam mu no, bere a Yesu baaɛ no (Yɛbekɔ mu ha.) se ɔbeyi Ne ho adie.

Na ɔsuu kɛse: . . .

Yosef na ɔntumi nhye ne ho so bio, na ɔteaa.

. . . na Misraimfoɔ ene Farao fiefoɔ tee.

⁷⁸ Wɔsane kɔɔ ahemfie hɔ, wɔtee se Yosef ɔreteam. Afei, na eno ye Kristo a ɔrehyia Yudafoɔ no sunsum, se, Ɔnim se Ɔfiraa wɔn ani sedee yebetumi anya akwanya. Nanso se Ɔba wɔn nkyɛn bio a, Israel bɔne bewie du.

Na Yosef ka kyerɛɛ ne nuanom se, Mene Yosef; . . .

Deen na wo susu se Yesu beka? “Mene mo Mɛsaia no. Mene Obaako no a mobɔɔ no asennua mu no.”

. . . me papa daso te ase anaa? Na ne nuanom antumi ammua no; mmom wɔn ho dwirii wɔn wɔ n'anim.

⁷⁹ Oh, ɛɛ se me gyina ha simma. Momma yemmue nkɔ Sakaria ti 12 no. Mo ne me mmue nkɔ Sakaria Nwoma no, ti 12 no wɔ Sakaria. Na ebia merefa bere pii na mafiri aseɛ akasa wɔ yei ho, nanso me—me susu se ente saa. Na me—mepe se mo nya no yie, paa.

⁸⁰ Sakaria, momma yenya ti 12 no wɔ Sakaria, na yenhwɛ deɛ Ɔrebeka seesei bere a Ɔgyina Ne nuanom anim. Sakaria 12, ene 10 no. “Wɔmma bɔne nwie du,” afei. Ne nyinaa ye, ti 12 ene nyiyimu 10.

⁸¹ Monhye no nso. Na afei ɔrekasa fa nkaɛ no ho; wɔatwa Yerusalem ho ahyia; aboa no ne asrafoɔ no afa, ɛna deɛ ɛkeka ho; nnoɔma nyinaa aba awieɛ seesei; yei reye akɔ mfie Apem ahennie no mu, mfie Apem ahennie no refiri aseɛ peɛ seesei.

Na Mehwie agu Dawid fie so, ene Yerusalemfoɔ so, Honhom (deen?) adom. . .

Amen! Adom nwanwaso!

...wō efie no so...Yerusalemfo, (Daniel “kuro kronkron”), adom ne nkotosre honhom: na wōahwe deε wōahwire me mu no, na wōatue ne so su, se ɔbakoro so su, na wōatwa ne so agyaadwo a eyε ya ara se abakan so deε.

⁸² Montie, agyaadwotwire a εbεye bere a ɔgyina hō, ɔreyi Ne ho adi akwere wōn, te se deε Yosef yeεε no! Montie.

Na *eda no agyaadwotwire beso Yerusalem, se agyaadwotwire wō Hadad-...*

Mentumi mmō saa din no, H-a-d-a-d-r-i-m- -o-...

...Hadadrimon wō...Megido—Megido.

Na *asase no betwa agyaadwo, abusua abusua; Dawid fie abusua nko, ne wōn yerenom nko; na Natan fie abusua nko, ne wōn yerenom nko;*

Lewifo...abusua nko...ne wōn yerenom nko;...na Sime ne wōn nko;

Na *mmusua a aka no nyinaa, mmusua mmusua nkorenkore...ne wōn yerenom nkorenkore.*

⁸³ Wōn ani bewu wōn ho ara se, bere a wōgyina hō na wōhunu se ɔbaako no ara a wōbōō no asennua mu na wōpoo no no, ɔgyina hō, wōn ara wōn Yosef a ɔsombōō no. Agyaadwotwire ben nie! Na wōbeka se, “Wo nyaa saa kutwa yinom wō hen?”

⁸⁴ ɔkaa se, “Wō Me nnamfonom fie.” Moahu deε merekyere no? Wōmma bōne nwie du, ne anyeannie, eno ne deε nti ɔreba.

⁸⁵ Na saa Daniel afe a εtōso aduōson no, nnawōtwe a εtōso aduōson no, mmom, ɔreba ama bōne awie du, ayi afiri hō. Mo te aseε seesei? Edeεn ne deε εdikan no? “Se wōnwie mmarato.” “Na bōne nwie du.” Nōma mmiensa, “Na wōmpata amumuye.” Mo a moretwere no.

Na me wō Twerεsem foforo nsia wō hō, nanso merebō afa so, εfiri se aha ye hye. Yεmpe se yeβefa bere pii. Mepe se menyā no bebree seδεε metumi, nanso memma mo nkyere dodo. Ne nyinaa ye.

⁸⁶ “Na wōmpata amumuye.” *Amumuye* ne se “woreye bōne,” seδεε wōyeεε wō asennua no ho. ɔyeε mpata, nanso εnye wōn dea. Na εnye wōn dea. Aden? Efiri se wōfiraa wōn ani εna wōantumi anhunu no. Na aden nti na wōfiraa wōn ani?

Woka se, “Eye, ebia, εnne...εfiri se m’ani afira nti.” Wope nti na w’ani afira. Wōn ani firaaε efiri se Onyankopōn na ɔfiraa wōn ani. Nanso w’ani afira efiri se wope nti na w’ani afira. Mpata biara nni hō ma wo. “Se moannye anni se Mene No a,” Yesu kaa se, “mobewu wō mo bōne mu.” Eye nokore.

⁸⁷ Afei momma yeεmme nkō Sakaria bio, ti 13 no. Afei momma yentie ha. “Wōmpata amumuye.” Afei, ehe na yei...Na

merehwehwe obi, montie yei—montie yei, nanso ebia Awurade benya no kwan bi so.

Wɔ saa da no mu no ebewɔ hɔ . . .

⁸⁸ “Wɔ saa da no mu no.” Dɔkɔta. Scofield atwerɛ wɔ n’aseɛ hɔ nsem no mu, anaase ne nkyekyɛmu tiriasɛm no mu, “Nkaeɛ no . . . Nkaeɛ a wɔasakyera a wɔn ani kyere asennua no.”

⁸⁹ “Na wɔmpata amumuyɛ.” *Amumuyɛ* ye “biribi bɔne a wayɛ, a wonim deɛ ɛyɛ, se anka ense se woyɛ saa.” “Sɛ medi amumuyɛ akyi wɔ m’akoma mu a, Onyankopɔn rentie me.”

⁹⁰ Afei, wɔ Sakaria ti 13 no, momma yɛmfiri aseɛ wɔ nyiyimu 1 no—wɔ nyiyimu 1 no.

Wɔ saa da no wɔɛbue nsuo aniwa ano ama Dawid fie ne wɔn a wɔte Yerusalem de adwira wɔ ho bɔne ne . . . ahokum ho.

⁹¹ Efiɛ bi bɛbue. Monkɔ so; yɛbetumi akɔso akenkan. Mɛpɛ se mo twerɛ eno sɛdeɛ mo bɛkenkan. Mmom afei, matwerɛ wɔ ha sɛ mɛfiri aseɛ wɔ nyiyimu 6 no na yakenkan akɔsi 10 no. Ne nyinaa yɛ, momma yɛnkenkan seesei na yɛnhwɛ, yɛnkenkan nkɔ 9 no, mmom.

Na obi bisa no, se ehe . . . Akuro ben na ewɔ wo nsa mu yi? Afei ɔbɛma mmuaɛɛ, Wɔn . . . a na me wɔ . . . (Momma yɛnhwɛ.) . . . mmuaɛɛ, Wɔn a wɔpiraa me wɔ m’adɔfoɔ fie no ne no.

Sɔre, O afena, tia odwanhwɛfoɔ no, ne ɔbarima a ɔyɛ me ho nipa no, asafo AWURADE asem nie: bɔ odwanhwɛfoɔ no, na nnwan no nhwete: na mɛdane me nsa aba nkumaa no so.

⁹² Afei, Yesu kaa saa Twereɛsem no. Hwɛ, “Bɔ Odwanhwɛfoɔ no, na nnwan no nhwete.” Nanso monhyɛ nkyekyɛmu a ɛdisoɔ no nso. Ɔkaa eno ara. Nanso monhwɛ kasamu a ɛdisoɔ no deɛ ɛka, ne fa no. “Na Mɛdane Me nsa aba nkumaa no so.” Ɖdeen? Benyamin kuo a ɔreba seesei no. “Mɛdane Me nsa aba nkumaa no so.”

⁹³ “Bɔ Odwanhwɛfoɔ no.” Israel, ɛdikan, Israel bɔɔ Odwanhwɛfoɔ no, na nnwan no hwete kɔɔ wiase nyinaa. Nanso Onyankopɔn kaa sɛ, “Mɛdane Me nsa aba akɔyire, na manya nkumaa no awiɛɛ da no mu.” Bereɛ bɛn? Bereɛ wɔapata ama amumuyɛ no.

⁹⁴ Israel bɛnya nkwa, wɔn mu biara. Momma yɛmmue nkɔ Yesaia. Yesaia No, ti 66 wɔ Yesaia, na yɛnkenkan bereɛ kakra. Na yɛnhwɛ deɛ Onyankopɔn ka faa Israel ho se wɔbɛgye wɔn nkwa, mmere tenten sɛn na ɛbedie na Israel anya nkwa. Monhwɛ senea ɛbɛba ntɛm so. Wɔ Yesaia, ti 66 no ne nyiyimu 8 no. Sɛ mope se mo kenkan ne nyinaa a, ne nyinaa yɛ.

Hwan na wate yei bi pɛn? hwan na wahunu yei bi da? Wɔkyem wo asase . . . da koro . . . wɔ da koro? . . . ɛfiri se awoɔ kaa Sion ara pɛ, na ɔwoo ne mma.

95 Bere a Sion hunuu se ɔno ye wɔn Mesaia ara pe, na wɔwoo no foforo, wɔ da koro. “Wɔnye mpata mma bɔne, na wɔnye mpata mma amumuye, efi.” Oh, me! Wɔyee deɛ na eye bɔne, deɛ na eye mfomsoɔ. Wɔyee mpata maa wɔn amumuye.

96 Nɔma nnan. “Na wɔmfa daa teneneɛ mmra.” Eno ne adeɛ nnan nti a ɔbaaeɛ. Etɔso nnan, deɛ ɔreba abeye ne se, “Se—se ɔde daa teneneɛ beba.” “Wɔmma bɔne nwie du; mpata; na wɔmfa daa teneneɛ mmra.” Bere a Israel mmurato aba awieɛ no. . . Bere a Israel mmurato. . .

97 Afei yerekɔ. . . Mepɛ se mo sɔ yei mu, efiri se se yede saa ɔbaa no ba a, ɛna ɔtweaseɛ no a watu no no, mobesane aba saa Twerɛsem korɔ yi ara so bio. Monhwɛ se mo betwere Ato hɔ. Bere Israel mmurato aba awieɛ no Satan, deɛ ɔye wɔn anotofoɔ no ɛna yen anotofoɔ no, Satan wɔde no beɔ ebunu no mu na wasɔ ano. Bere ben? Bere a wɔde daa teneneɛ beba mu, biribi a ɛrentumi mma awieɛ, wɔn a wɔyee deɛ ɛntene nyinaa wɔbeyi wɔn afiri hɔ.

98 Momma yɛnya Adiyisɛm ti 20 no ɛne nyiyimu 13 no, simma kakra, na momma yenkenkan wɔ ha simma. Adiyisɛm 20, ɛne 13. . . Daabi, mɛpa mo kyɛw. Adiyisɛm. . . 1 kɔsi 3, eye saa. Manhunu saa atwere ketewa no wɔ ntamu. Mfifire a ɛwɔ ha no kɔ m’ani. Adiyisɛm ti 20 no, na momma yɛnhwɛ.

Na me hunuu ɔɔfoɔ bi a ɔfiri soro resiane, a ɔkura ebunu no ano nsafoa ɛne nkɔnsɔnkɔnsɔn kɛsɛ bi.

. . . ɔkyeree ɔtweaseɛ no, saa ɔwɔ dada, a ɔno ne ɔbonsam no, ɛna Satan, na ɔkyekyeree no mfirinhyia apɛm,

Na ɔtoo no tweneɛ ebunu no mu, na ɔtoo mu, na ɔsɔ ano, na wankɔdaadaa amanaman bio, kɔsi se mfirinhyia apɛm no beɛwie duro ansa: na ɛno akyiri no. . . ɛtwa se wɔgyaa no kakra.

99 Wɔnye daa. . . “Wɔmfa daa teneneɛ mmra,” Satan a ɔwɔ ebunu no mu. Na se ɔye saa a, na ɔsɔ bonsam a ɔdaadaa nnipa no ano.

100 Afei momma yɛmmue nkɔ Habakuk, ti 2 no. Habakuk, ti 2 no. Na afei yerebɛhwɛ deɛ nti ɔsɔ saa ɔwɔ dada no ano, ɛna deɛ ɔye de maaɛɛ, ɛna deɛ ɛsie bere a w’asɔ n’ano. Mepɛ yei, mompɛ anaa? Eno—ɛde yen ba nimdeɛ bi mu. Habakuk, Habakuk, ti 2 no ɛne nyiyimu 14 no, me gyedi se eye saa, mepɛ se me kenkan. Se saa adeɛ yi si a. . . Monhwɛ.

Na AWURADE animuonyam ho nimdeɛ behye asase so mma, sɛdeɛ nsuo kata ɛpo sɔɔ.

101 *Brrrrr!* Me! *Hwew!* Wɔ nsem foforo mu no, bere a wɔayi ɔtamfoɔ no afiri hɔ no, na bɔne awieɛ aba, na wɔde daa teneneɛ reba so, Satan beɔwɔ ebunu no mu na wasɔ ano, na Awurade ho nimdeɛ bekata asase so sɛdeɛ nsuo kata ɛpo sɔɔ. Amen!

Animuonyam nka Onyankopɔn! Ɛreba, onuabarima, ɛreba! Mmaa bɛyɛ nwurabafoɔ, na mmarima bɛyɛ akrakyefoɔ. Amen!

Berɛ a Awurade ho nimdeɛ bɛhyɛ asase so ɛna
 ɛpo ɛna ewiem mma;
 Na, oh, m'akoma resi apinnie, ɛreteam ma saa
 ɛda dɛɛde ahoyie no,
 Berɛ a yɛn Yesu bɛsane aba asase so bio no.

¹⁰² Amen! Ne nyinaa yɛ. Afei, Mfirinhyia apem ahennie no afei na ɛbɛba. Ɛno ne berɛ a mfirinhyia Apem ahennie no, berɛ a ɛsɛ sɛ wɔkyekyere Kuro no. Ɛtɔso nnan. . . Me wɔ Twerɛsem nsia ka ho, nanso yɛbɛyɛ no ntɛm. Afei, sɛ yɛsane y'akyi a, mɛfa Twerɛsem foforo yi; nanso merema mo anya adwene ahodoɔ no.

¹⁰³ Nɔma nnum. “Wɔnsɔ anisosdehunu ne adiyisem ano.” Monhwɛ, saa Ɔbofoɔ no ba bɛsɔ anisoadehunu ne adiyisem ano.

Me—mempɛ sɛ mɛka yei. Nanso, ɔtwerɛfoɔ kɛsɛɛ bi, a na merekenkan fa ho da bi no, sɛ na ɔnyɛɛ no basaa a! Ɔkaa sɛ “Deɛ na ɛtee. . .”

Afei, ɔde rekyerɛ sɛnea wagyimi. . . Oh, momfa nkyɛ me, menkyerɛ sɛ menka saa. Momfa nkyɛ me. Menkyerɛ saa, manhyɛda. Daabi. A—a—a onipa a ɔnni ngosra, hwɛ.

Ɔbarima no kaa sɛ, “Wo hunu wɔ ha sɛ anisoadehunu ɛne nkɔmhyɛ no berɛ biara na wɔde ma Yudafoɔ asafo no.” Na ɔkaa sɛ, “Ɛfiri Daniel berɛ so no, berɛ a Daniel baɛɛ no, ɛkyerɛ sɛ wɔanya anisoadehunu anaase nkɔmhyɛ biara bio.” Ɔkaa sɛ, “Saa nnoɔma yinom nyinaa a ɛnne wɔkasa fa ho no, mewɔ anisoadehunu ne nkɔmhyɛ no, na ne nyinaa firi bonsam,” sɛ, “na biribiara nni ho sɛ anisoadehunu ne nkɔmhyɛ.”

Onuabarima, na adiyifoɔ bebreɛ wɔ Daniel akyi. Na Yohane Suboni wɔ ho. Na Yesu Kristo wɔ ho. Na adiyifoɔ no wɔ Apam Foforo no mu. Na anisoadehunu wɔ ho. Na Abɔfoɔ wɔ ho.

Ɛbɛyɛ den na onipa bɛtumi aka saa wɔ ewiase yi mu? Nanso, wo hunu, ɛno yɛ pesemenkomenya adwene, sɛ worebɔ mmɔden apia biribi ato nnipa no so, ama no aye asafo nkyerɛkyerɛ ketewa bi, anaase biribi ketewa bi, na abɛyɛ adekann ama nnipa no. Na sɛ nnipa no nni Honhom Kronkron no a, ɛbedaadaa wɔn.

¹⁰⁴ Afei, mommma yɛmfa deɛ onipa bi kaaɛ. Afei, Twerɛsem biara nni ho a ɛbɛkyerɛ saa. Enti ɛbɛyɛ den na mɛtumi afa ɛno? Ɛyɛ, momma yɛnhwehwɛ deɛ nsɔano no tee paa. Monhwɛ! Ɔba bɛyɛ saa, sɛ ɔsɔ anisosdehunu ne adiyisem no ano.

¹⁰⁵ Afei, momma yɛmmue nkɔ Daniel Nwoma no mu pɛɛ, baabi a na yɛwɔ no. Wɔ Daniel Nwoma no mu no, yɛbɛhunu deɛ Ɔkaaɛ no ankasa. Afei momma yɛmmue nkɔ Daniel ti 12 no. Afei, sɛdeɛ yerekɔ Daniel 12, seesei, yɛbɛtumi afiri aseɛ. Na yakenkan afiri. . . Sɛ mokɔ fie a, mepɛ sɛ mo kenkan firi nyiyimu 1 rekɔ. Momma yɛnkenkan mfiri nyiyimu 1, nkɔsi 4 no.

*Na saa bere no na Mikael begyina hɔ . . . ɔbɔfoɔ titire a
ɔgyina hɔ ma wo man mma no: . . .*

Afei, yei wɔ awieɛ bere no mu.

*. . . na ebeye ahohiahia bere, a efirii se ɔman baee no
ebi mmaa da . . . ɔman no . . .*

Eno ne bere a antikristo no, saa Nsɔano a Edikan sotefoɔ no pue, bere a ɔkɔ sɔɔ.

. . . mpo kɔsi saa bere yi: . . .

Enye saa bere no a Tito dwirii Yerusalem fasuo no. Na eno ye baabi baako pɛ. Monhwɛ se antikristo yei, saa ɔhene no a na ese se ɔba no, monhwɛ se ɔba a.

*. . . mpo kɔsi bere korɔ no ara: na saa bere no mu no
wɔbegye wo manfoɔ afiri mu, obiara a wɔbehunu se
watwere ne din nwoma no mu no.*

Halleluya! “Wo manfoɔ,” Israel, “wɔbetwere wɔn din wɔ nwoma mu.”

*Na wɔn a wɔadeda fam dɔtee mu no bebreɛ benyane,
ebinom beko daa nkwa mu, na ebinom akɔ ahohoradeɛ
ene daa ahiyie-mu.*

¹⁰⁶ Ebeye den na wɔbetumi aye no wiase bere a Tito dwirii Yerusalem fasuo no? Ebeye den na wɔbetumi aye? Erentumi nye hɔ. Hwe, ɔrekasa fa awieɛ bere no mu, wɔ owusɔree no mu. Eye nokore saa? Afei:

*Na mmadwemma no behyeren sedee ewiem hyeren; na
wɔn a wɔdane . . . wɔdaneɛ nnipa bebreɛ kɔ teneneɛ mu
no . . . beye se nsoromma daa daapem . . .*

Montie! Eno nie, nokore nsɔano, paa no.

*Nanso wo, O Daniel, toto nsem no mu, na sɔ nwoma
no ano, mpo kɔduru awieɛ bere no so: . . .*

¹⁰⁷ Eye deen? Oh, halleluya! Mo ahunu, asuafoɔ kuo? Saa Yesu Kristo adiyie no, ene Ne Tumi, Ne Mmae no, awieɛ bere no mu, na wasɔ ano kɔsi saa bere yi. Eno ne deɛ ɔba beye. Ahunta ama animdefoɔ no; enye nwanwa se wɔpe se wɔde, “wasɔ ano,” ma akyire hɔ, se “adiyifoɔ biara nni hɔ,” na biribiara wɔ akyire. Enni nyinasoɔ. Nanso anisoadehunu no, saa anisoadehunu yi, na wasɔ ano kɔsi seesei ara. Na ehɔ na mede me gyidie regyina, se Onyankopɔn beyi saa nnawɔtwe aduɔson no adi. Amen! “Sɔ ano,” ɔkaa se, “kɔsi awieɛ bere no. Toto Nsem no mu na sɔ Nwoma no ano kɔsi awieɛ bere no.”

¹⁰⁸ Edeen na ɔyeeɛ? Se ɔresɔ anisoadehunu no ne adiyisem no ano! Na Daniel ahye saa nnoɔma yinom ho nkɔm. Na wahunu no wɔ anisoadehunu mu, na ɔbɔfoɔ no baee besɔ anisoadehunu no ano, na wasɔ adiyisem no ano. Wɔbetumi akenkan, nanso wɔrentumi nte aseɛ, kɔsi awieɛ bere no. Awieɛ bere no, edeen ne awieɛ bere no? Nnawɔtwe a etɔso aduɔson no awieɛ, bere a saa

ɔberempɔn no, antikristo, wɔbeyi no adie, wɔ saa bere yi, ɔbeye ne ho se Onyankopɔn. Ebeɣe den na yebehunu yei se wasɔ ano ama bere no? Daniel faa mu; yei ye Daniel ti a edi akyire no.

¹⁰⁹ Onuabaa Simpson ka kyerɛ me awia yi, ɔkaa se, “Onuabarima Branham, makenkane Daniel Nwoma no nyinaa. Me—me na me nnim biribiara bere a me gyaae, me wiee, sene bere a me firii aseɛ no.” Eno nie, Onuabaa Simpson, se wo wɔ ha anadwo yi a. Me gyedi mehu no se ɔte ho. Mannka biribiara wɔ kaar no mu. Meyɛ kम्म, efiri se me susuu se ebia meduru so.

Nanso, anisoadehunu a Daniel hunuɛ no, wɔ asutene no akyi ho no, na wasɔ ano, “kɔsi awieɛ bere no.” Eɣe . . . Momma me nni kan na me nkenkan wɔ ha. Mohu?

Nanso wo, O Daniel, toto nsem no mu, na sɔ Nwoma no ano, kɔduru awieɛ bere no so: nnipa bebreɛ bedwane adi akɔneaba, na nimdeɛ adɔɔso.

Na me Daniel mehwee, na, hwe, wɔgyina ho . . . mmieniu, . . . ɔbaako wɔ nsunoa ha . . . wɔ asubɔnten no so, na ɔbaako wɔ asubɔnten no nsunoa ha.

Na ɔbaako ka kyerɛ ɔbarima a ɔfira—ɔfira nwera no, a ɔwɔ asubɔnten no atifi no se, Da ben na anwanwadeɛ no awieɛ beba mu?

Afei montie.

Na metee onipa a ɔfira nwera a, ɔwɔ asubɔnten no soɔ no nka, bere a ɔmaa ne nifa ne ne benkum so kyerɛ ɔsoro, na ɔkaa deɛ ɔte aseɛ daa no ho ntam se enkɔduru bere, bere, ena bere fa; . . .

Afei, yanya no yie—yie pɛpɛpɛ, “Bere, bere, ena bere fa.” Afei monhwe se yeduru Daniel nnawɔtwe aduɔson mu, senea eno pue. Eno ne bere a ahuntasɛm no beda adie. Ne nyinaa ye. “Bere, bere, ne bere fa.”

. . . na se ɔba a . . . (“ɔno,” edin nsianamu seesei, antikristo no) . . . se wɔpan— . . . wɔpansam wɔpansam ɔman kronkron no tumi wie a, (eno ne bere a ɔbebu n’apam no so wɔ nnawɔtwe no mfinimfini), saa nnoɔma yi nyinaa behye mma. (Amen.)

Na metee, nanso mante aseɛ: afei me kaa se O . . . Awurade, nnoɔma yi awieɛ besi sen?

Na ɔkaa se, Kɔ wo kwan, Daniel: efiri se watoto nsem no mu na wasɔ ano kɔsi bere a ɔno . . . [Asɔrefoɔ no ka se, “Awieɛ.”—ɔs.]

Oh, momma mo were mfiri eno!

. . . kɔsi awieɛ bere no so.

Wɔbete nnipa bebreɛ ho, ahoa wɔn ho, ama wɔapɔ; nanso abɔnefoɔ beko so ara adi asemmane: na abɔnefoɔ nyinaa renhunu aseɛ; na mmadwemma na wɔbete aseɛ.

110 Awiee-berε mu Nkransεm no beyi no adi; asafo a εdi akyire no. Animuonyam! Hwew! Wo na wowo ho no! Oh, me! Ewoso me, se me dwene ho a, ahuntasεm no! Nnooma a ewiase asafo no bo won ani, na woka se, “Eye nkwaseasεm no.” Ahuntasεm a εfa Dee na Yesu Kristo nye; enye Onipa a εtso mmiensa, enye Onipa a εtso mmienu, enye Onipa a εtso mmiensa, mmom *ono* Onyankopon Onipa. Saa Onyankopon ahuntasεm yi nyinaa no wobeyi no adie, εfiri se watwere no wo saa Nwoma yi mu, na wobeyi no adi akyere awiee-berε awoo ntoatoaso no. Worentumi nhunu no wo asfo nteteεbea ahodo no mu, ene sukuu mu, ene asorefekuo ahodo no mu, sene se Yudafo no betumi ahunu Yesu se nye Mesaia no. Enye nwanwa se wobo mmaden susu se mo abobo adam. Enye nwanwa se wosusu se mo ye agyimifo. Enye nwanwa se wontumi nte aseε dee nti mo ne won mmom. Efiri se, Tumi ene anisoadehunu wo eno akyi, eye Onyankopon Asem a wayi no adie, ama watoto Asafo no yie ama Ohwim no εna Efie ko. Aane. “Nnipa bebree bedwane adi akoneaba, na nimdee adaso.” Nokore paa.

111 Afei, εdeen ne biribi foro a wode behunu? Monhwe enne, ewo asafo ahodo no mu. Eno nie. Me wo anidaso se enha mo, nanso εse se me ka. Ereye . . .

112 Wo saa da no mu antikristo besore.

113 Afei, monkae, se yeduru Nsoano no so a, saa antikristo no fa saa Nsoano no so pe. Daniel kasa faa ho wo ha, “Oberempom a obeba no.” Obetwa, Yesu atwene, de aye mpata ama nnipa no. Nanso, “Saa oberempom no a obesore agyina no, ono na obema akyiwade a εbo oman no aba,” na eno ye Roma, enam Tito so. Na saa bere yi, eye oberempom a εfiri Roma reba, ono na obeye. Na wobeyi no adi wo da a edi akyire no mu, afei montie, “reye ne ho se Onyankopon,” sεdee Honhom Kronkron bo yen koko wo Tesalonikafo a εtso Mmienu, ti 2.

Momma yenko eno so, Tesalonikafo a εtso Mmienu, na afei morennya m’asem na mmom Nyankopon Asem. Tesalonikafo a εtso mmienu, ti 2 ene nyiyimu 12 no. Momma yenhwe. Tesalonikafo a εtso mmienu, ti 2 no ene nyiyimu 12 no. Momma yenhwe. Momma yemfiri aseε eno ne soro, nyiyimu 7 no.

Na mmarato ahuntasεm no anya reye adwuma: . . .

(Yei ye Paulo a onam, Honhom Kronkron no so rekasa.) . . .

gye se—gye se wayi dee εdaso si kwan no, afiri ntam ansa.

Hwan ne “Ono” wo ha? Obi nim anaa? Honhom Kronkron no, “Dee asi kwan no.”

Na afei (bere ben) na saa Obonefo no wobeyi no adie, . . .

Bere ben? Bere a Honhom Kronkron no refiri mu ako, a arebefiri ako seesei ara. Edeen na Ofefiri agye? One Asafo no rekɔ. “Wayi no adi!” Paulo nam nkanyan so, rekasa.

. . . deɛ Awurade de n’anomu home bekum no, na ɔde ne ba no pue beyi no hɔ koraa no: (ɔbɔnefoɔ no, ɛwom)

Mpo ɔno, na ne ba no ɔba no Satan adwumaye soɔ atorɔ tumi ne nsenkyerɛnneɛ ne ahodwirideɛ nyinaa mu,

“Yen ne asafo keseɛ no. Yɛwɔ yei. Yɛwɔ yei. Mo nyinaa mo nka mom,” mohu. “Yen ne ade keseɛ no.” Ahodwirideɛ nyinaa!

Ena deɛ entene nnaadaa nyinaa . . . mu wɔn a wɔyera no mu; ɛsiane ɛɛ wɔannyɛ nokorɛ dɔ, na wɔde agye, wɔn nkwa.

Na yei nti Onyankopɔn asoma nnaadaa a emu ye den aba wɔn mu, ama wɔagyɛ atorɔ adi—ama wɔagyɛ atorɔ adi:

Na wɔabu . . . wɔn a wɔannyɛ nokorɛ annie, na mmom wɔn ani asɔ deɛ entene no nyinaa aten.

114 Mo ate aseɛ? Oh, me! Afei, Paulo rekasa. Bere a Onyankopɔn Nsoano no wɔreda no adi no, Ne Honhom, Ne Din, N’adom, saa ahuntasɛm forɔɔ akeseɛ yi nyinaa a ɛrepue seesei no, ye nhyehyɛɛ ma N’Asafo kɔ Ohwim no mu; na Honhom Kronkron no hwiegua na aye yei. Eno ne deɛ Wayɛ wɔ nna a ɛdi akyire no mu.

115 Afei, momma yɛnhwɛ. Yɛwɔ bere de ma deɛ ɛdi akyire yi? [Asorefoɔ no ka ɛɛ, “Amen.”—Ɔs.] Deɛ ɛtɔso nsia no, “Sra Ɔsorosoroni No.” Oh, me! Ɔno nie! Adeɛ a ɛdi akyire a ɛɛ ɛɛ Ɔye, ɛne deɛn? Afei, momma yɛnkɔ akyire wɔ Daniel, yɛnhwɛ deɛ ɛɛ ɛɛ Ɔye nyinaa wɔ ha pɛɛ. “Nnawɔtwe aduwɔn.” Edeen na na ɛɛ ɛɛ ɛye hɔ saa bere yi? Ne nyinaa ye.

. . . wɔahye wɔ wo man ne . . . wo kuro kronkron no so, ɛɛ wɔnwie mmarato (ɔman no mmarato), . . . wɔmma bɔne nwie du (ma ɔman no), na wɔmpata wɔn amumuye, na wɔmfa daa teneneɛ mmra (de ma Yudafoɔ no), na wɔnsɔ anisoadehanu ne adiyisɛm ano (kɔsi awieɛ bere no), na wɔnsra akronkronneɛ mu ade Kronkron.

Eno ne botaeɛ nsia nti ma Ne mmaɛɛ no.

116 Afei, “wɔnsra akronkronneɛ mu ade Kronkron.” Afei, yei beyɛ nwanwa simma kakra, de ma mo akyerɛkyerɛfoɔ no mu bebree, nanso seesei sɔ mu simma kakra, hwɛ sɛnea ɛbefiri mu aba.

117 Yei ne ngosra no, a ɛmfiri onipa bi so. Yesu wasra no ngo dada. Ɔye nokorɛ saa? Asomafoɔ no nnwuma Nwoma no kaa ɛɛ Onyankopɔn de Honhom Kronkron asra Yesu; Ɔkyinii yeɛ yie, na ɔresa ayarefoɔ yadeɛ, ne deɛ ɛkeka ho. Yesu wasra no, dada. Ɔno ne Mesaia. Na *Mesaia* no kyere ɛɛ “Deɛ wasra no ngo no.” Ɔye

nokorɛ saa? Nanso awiɛɛ berɛ no, ɛsɛ sɛ Ɔsra akronkronnɛɛ mu Kronkron no.

¹¹⁸ Edeɛn ne “akronkronnɛɛ mu ade Kronkron no”? Me kwan a me de hunu, a me gyedi sɛ metumi de Twerɛsɛm no akyɛɛ, ɛyɛ sɛ wɔsra “akronkronnɛɛ mu ade Kronkron no,” a ɛbɛyɛ Asɔrefie no a wɔde bɛyɛ adwuma mfirmihya Apem ahennie no mu. Afei montie, monhwɛ deɛ nti a menyaa no. Waka ho asɛm wɔ Hesekiel, ɔno—ɔno ti 4 no, ɔno. . . Daabi, me kyɛɛ ti 43 no, ne nyiyimu 1 ne 6 no. Momma yɛnkɔ akyire nkɔ Hesekiel na yɛnhwɛ sɛnea mfonini no tɛ wɔ Mfirmihya Apem ahennie no mu, sɛnea wɔbɛsra ngo no. . . Hesekiel 43, na momma yɛnkenkan kakra wɔ ha seesi na yɛnhwɛ deɛ Ɔrebɛyɛ wɔ saa mfirmihya Apem ahennie yi mu, ngosra. Wɔ Hesekiel 43, ne nyinaa ye, na afei momma yɛmfiri aseɛ wɔ 1 no, nkɔsi nyiyimu 6 no. Mɔbɛtumi akenkan adeɛ no nyinaa akyire yi sɛ mo duru fie a, sɛ ɛtɛɛ no, mo a mo retwerɛ no, Hesekiel 43. “Akyire yi. . .”

¹¹⁹ Afei, monhwɛ, Asɔrefie no a wɔbɛsi wɔ mfirmihya Apem ahennie no mu ho asɛm. Afei, obiara, ɔkenkanfoɔ biara a ɔnim, sɛ ɛfiri Hesekiel ti 40 no, kɔsi bɛyɛ ti 44 no, ɛnye biribiara wɔ wiase gyɛsɛ mfirmihya Apem Asɔrefie no a wɔresi no wɔ asase so, (obiara nim saa, hwɛ), berɛ a Awurade animuonyam bɛhyɛ so mma, ɛne deɛ ɛkaho te saa. Afei yɛre. . . yɛrebɛka Asɔredan no ho asɛm wɔ ti 43 no, na nyiyimu 1 kɔsi 6 no.

Akyire yi a *ɔde me baa ɛpono no ano, ɛpono a ɛhwɛ apuɛ kwan soɔ no ano:*

Na, hwɛ, animuonyam. . . Israel Nyankopɔn animuonyam firi apuɛ kwan so baaɛ: na ne nne te sɛ nsuo bebree nne: na n'animuonyam maa asase harann.

Na adeɛ a mehunuɛ no su te sɛ adeɛ a me hunuɛ, mpo te sɛ anisoadehunu no a mehunuɛ berɛ a me ba bɛsɛɛ kuro no: na ɛyɛ anisoadehunu a ɛte sɛ adeɛ a mehunu wɔ asutene Kebar ho no; na mede m'anim butuu fam.

Na AWURADE animuonyam no—no AWURADE animuonyam no baa efie hɔ ɛpono kɛsɛɛ a ɛhwɛ apuɛ fam no kwan so.

Enti honhom no maa me so, de me baa abannwa a ɛwɔ mu no so; na, hwɛ, AWURADE animuonyam no ayɛ efie no ma.

Na metɛɛ sɛ obi firi efie no mu ne me rekasa; na ɔbarima bi gyina me nkyɛn.

¹²⁰ Wɔsra no ngo, wɔsra saa Asɔrefie no ngo ama mfirmihya Apem ahennie no. Afei monhwɛ wɔ Lewitikus. Afei monhwɛ sɛnea anobue no kɔɔ so wɔ Lewitikus. Afei, sɛ yɛkɔ akyire wɔ Lewitikus a, yɛhunu sɛ Mose sraa asɔrefie no ngo. Momma yɛnkɔ akyire berɛ a yɛwɔ soɔ no. Yɛwɔ saa berɛ pii no. Na momma

yenkɔ akyire wɔ Lewitikus na yenhwe bere a Mose sraa asɔrefie no ngo, wɔ Lewitikus ti 8 no.

¹²¹ Oh, medɔ sɛ mede saa Tweresɛm yi toto Tweresɛm no ho. Monnɔ no saa anaa? Na afei mo—mo anya a—a—adwene bi wɔ deɛ—deɛ yerehwehwe no ho ene deɛ yereye no. Afei, momu binom ahunu sɛ yede Tweresɛm no reye adwuma seesei na afei, yewɔ so.

¹²² Afei, Lewitikus ti 8 no, na matwere wɔ ha, nyiyimu 10 no. Monhwe Lewitikus 8:10. Momma yenhwe.

Na Mose faa sra ngo no, na ɔhwiee sra ngo no, na ɔdesraa tenabea no ne deɛ ewɔ mu nyinaa, na ɔyeɛ no kronkron.

Na . . . ɔde bi petee afɔrebukyia no so mpre nson, . . . na ɔsraa afɔrebukyia no ne eho nnɔɔma nyinaa, ne kuduo no ne ntaaseɛ no, ɔno . . . de yeɛ no kronkron.

Na ɔhwiee . . . sra ngo no bi guu Aaron atifi, na ɔsraa no ngo, de yeɛ no kronkron.

¹²³ Mose, wɔ esere no so, ɔreye no kronkron, anaase ɔresra ɔsom tenabea no ngo, de ama Israel mma no bere a na wɔwɔ wɔn akwantuo mu no. ɔsraa no ngo.

¹²⁴ Afei, wɔ Beresosem a etɔso Mmienu, mommue nkɔ, na yebɛhunu anobue no bere a Honhom Kronkron no faa N'adwa wɔ asɔrefie hɔ, na yahwe deɛ eresi seesei. Wɔ Beresosem a etɔso Mmienu ti 5 no, na momma yɛmfiri aseɛ wɔ nyiyimu 13 no. Beresosem a etɔso Mmienu ti 5 no, na yɛmfiri aseɛ wɔ nyiyimu 13 no.

Na ebaa . . . sɛ, sɛdeɛ ntotorobentohyenfoɔ ne nnwomtofoɔ no . . . yeɛ maa wɔtee enne baako . . . wɔreyi AWURADE aye na wɔreda n'ase; na bere a wɔde ntotorobento ne nnawuro ne nsankuo maa wɔn nne so, na wɔreyi AWURADE aye, na wɔreto nnwom sɛ, Na ɔye; na n'adɔɛ wɔ hɔ daa no: ena afei mununkum yeɛ dan no ma, mpo AWURADE dan no ma;

Eno nti asɔfoɔ no gyinaa . . . asɔfoɔ no antumi annyina ansom enam mununkum no nti: efiri sɛ na AWURADE animuonyam aye Nyankopɔn fie no ma.

¹²⁵ Onyankopɔn baa tenabea a na wasra no ngo no mu, na wɔde maa No sɛ nnipa besom wɔ mu. Enti, wɔnsra, enye “wɔ kronkron” bea, mmom wɔnsra “akronkronnɛɛ mu ade Kronkron” bea. Na yehye no nso, sɛ, Yerusalem Foforɔ no ne “akronkronnɛɛ mu ade Kronkron” bea. Na ngosra no bɛwɔ Yerusalem Foforɔ no so a esiane firi Onyankopɔn hɔ firi Soro, wɔasiesie no sɛdeɛ wahyehye ayeforɔ ama ne kunu. Ngosra no bɛwɔ wɔn so.

¹²⁶ Afei, bere a Serubabel buɛ n'asɔrefie no ano no, akyire yi a wɔsane siie no, wannsra no ngo bio, efiri sɛ na wasra no ngo dada; ena wɔbubuu no, ena wasi no bio. Na wɔabubu no aseɛ no.

Ena wɔasane asi no bio, enti na enhia sɛ wɔresra no ngo bio. Bere baako a wɔsraa no ngo no, eno de no kɔɔe, na ekɔ so ara kɔsi saa bere yi. Nanso sɛ Onyankopɔn si mfirmhinhyia Apem ahennie Tenabea no a, Ɔbesra akronkronnee mu ade Kronkron; enye “wo kronkron,” mmom “akronkronnee mu ade Kronkron.”

¹²⁷ Nanso bere a Ɔhene no fa N’Ahennwa no mfirmhinhyia apem baako no a, (Animuonyam!) na wawie seesei. Wɔresra akronkronnee mu ade Kronkron no beye adee a edi akyire a ebɛsie. Bere a wɔbɛsi Asɔrefie no; owusoree no bɛba; Yudafoɔ no asane aba; Kristo ene N’Ayeforo bɛba no; ɔno Yudafoɔ no, mpem ɔha ne aduannan-nnan no a wasɔ wɔn ano; mfirmhinhyia Apem ahennie no asi. Ngosra bi bɛwɔ hɔ bere a wɔbɛsra akronkronnee mu ade Kronkron; kronkron no, akronkronnee mu Kronkron, ne akronkronnee mu ade Kronkron. Bere a, akronkronnee mu ade Kronkron no ye beaɛ a Onyankopɔn tee, Kerubim no ntam. Na, saa bere yi, Kristo bɛtena akronkronnee mu ade Kronkron, a ɔwɔ ngosra wɔ Ne so. Na wɔrenhia owia biara wɔ hɔ, efiri sɛ Adwammaa no a ɔwɔ Kuro no mu no beye Hann no. Owia nkɔtɔ da wɔ saa Kuro no mu, sedee Uncle Jim panin na ɔka no. Na erentumi da, efiri sɛ Kristo beye saa Hann no, deɛ wɔasra No ngo no. Na Ɔhene no bɛba na wabɛfa N’Ahennwa no mfirmhinhyia apem baako, na ɔbɛdi hene.

¹²⁸ Yeremia 3:12-18, eka ho, momma yenkenkan. Wɔ Yeremia ti 18 no, me gyedi. Aane. Daabi, ti 12 no, momfa nkyɛ me, Yeremia ti 12 no, na momma yemfiri aseɛ wɔ—ɔno. . . Yeremia 3, momfa nkyɛ me. Yeremia 3, me wɔ—matwerɛ no wɔ ha, baabi, bere a meresua adeɛ no, na Honhom Kronkron no de mefiri ha kɔ ha, metwerɛ yeinom too hɔ yie paa sedee metumi. Yeremia 3, na afei 12 kɔsi 18, eka ho. Momma yenkenkan.

Kɔ na kɔpae saa nsem yi kyere atifi fam, na ka sɛ, Sane w’akyi, wo ɔkobɔfoɔ Israel, AWURADE asem nie; na meremmuna me—me. . . menkyere mo bio: efiri sɛ meye ahummɔborɔ, AWURADE asem nie, na meremfa menhye me yam nkɔsi daa.

Hunu w’amumuye no nko, sɛ AWURADE wo Nyankopɔn na woafom no, na woakyini aduru ananafoɔ nkyɛn dua biara a eye frɔmm ase, . . .

Eno ne deɛ wɔyɛɛɛ, efiri apueɛ, atɔɛɛ, ɔman biara so. Mohu?

. . . na moantie enne no me nne, AWURADE asem nie.

“Monsane mmra!” Montie yei.

Monsane mmra, O mma akyirisanfoɔ, AWURADE asem nie; efiri sɛ Me ne (m-a-w-a-r-e) . . . Maware mo: . . .

“Wɔfiraa wɔn ani, efiri sɛ me maa Amanamanmufɔɔ no akwanya. Nanso, mo deɛ monsane moakyi, efiri sɛ m’aware mo.”

. . . na mɛfa mo kuro biara mu baako, na abusua biara mu mmienu, . . .

Enye wɔn a wɔfrɛ wɔn ho sɛ Yudafoɔ no nyinaa na wɔbeko mu. Nanso wɔn a wɔayi wɔn no bekɔ mu, saa Benjamin kumaa no a ɔbaa Yosef anim no, saa kuo no a wɔfiri ɔman biara mu no, baako firi kuro biara mu, na ɔfiri abusua biara mu.

. . . na Mede mo beba Sion:

Na mɛma mo ɔhwɛfoɔ sedɛɛ moakoma pɛ, na ɔde nhunumu ne nimdeɛ ayene mo.

Na modɔɔso na mo ase kyene, asase no so a, saa bere no, AWURADE asem nie, wɔrenka bio sɛ, Ɔno—ɔno AWURADE apam adaka no: na eremma akoma mu: na wɔrenkae; na wɔren—wɔrenhwehwe; na wɔrenye bi bio.

Ebere no mu na wɔbefre Yerusalem sɛ AWURADE ahennwa no; (sedɛɛ Ɔbewɔ hɔ no, hwe), na amanaman nyinaa abɛhyiam (halleluia) ne nkyɛn, ama AWURADE din, wɔ Yerusalem: na wɔremfa asoɔden nni wɔn akoma bɔne akyi bio.

¹²⁹ Ɛno ne bere a saa Kuro no wɔbesra no. Ɛno ne bere a Yerusalem Foforo no benya ngosra. Na amanaman a ɛwɔ Kuro no mu nyinaa. . . Wɔ Adiyisem ti 22 no, ɔkaa sɛ wɔnto apono no mu anadwo, ɛfiri sɛ anadwo biara remma hɔ. Na ewiase ahemfo nyinaa de wɔn nnidie ne animounyam beba saa Kuro yi mu. Ne fasuo no beye ahwehweboɔ na bogyanamboɔ, eye aboo ahodoɔ dummienu; na apono dummienu no ye nhwene pa, apono no mu biara wɔde nhwene pa baako na eyeeɛ. Eho nhia sɛ kaneadua bewɔ hɔ. Owia biara rempae bio, ɛfiri sɛ Adwammaa no a ɔwɔ Kuro no mu no na ebeye Hann no. Na Ɔbedi Ne nkurofoɔ kan ako daa Nkwa mu. Nnuu mmienu bewɔ hɔ, ɔbaako wɔ asubɔntene no afanu no, na wɔde sa amanaman no yadeɛ. Ɛno ne saa Ɔbaako a wasra no a ɔbeba no, Kuro Kronkron no a ɛfiri Soro Onyankopon nkyɛn resiane, aba asase so.

¹³⁰ Momma yɛmfa seesei deɛ ebɛsie saa bere no. Oh, modɔ no anaa? Momma yɛmmue nko Yesaia 65, simma kakra. Eye paa yie sɛ yebebo afa so. Eye paa yie sɛ yebɛfiri ha. Ase eye hye kakra, nanso momma yɛnkɔ so.

¹³¹ Yisaia 65, montie deɛ ebɛsie saa bere no. Na bisa wo ho, adamfoɔ debɔneyɛni, sɛ wo—sɛ wobɛtumi ama yei apa wo ho a. Yesaia 65, momma yɛmfiri aseɛ wɔ nyiyimu 17 no. Montie, obiara, yie seesei. Yei ye mfirmhyia Apem ahennie no mu, bere a wasra akronkronnɛ mu ade Kronkron no.

Na, hwe, merebo ɔsoro foforo ne. . . asase foforo: na wɔrenkae kane nnoɔma no, na eremma adwene mu bio.

Mmom momma. . . mo ho nsepe mo na monni ahurisie. . . mpo adeɛ a merebo no nti: na, hwe, merebo Yerusalem. . . Merebo Yerusalem, (ɛno ye Yerusalem Foforo no), ama no aye ahurisdie, na ne man ama no aye ahosepe.

Edeen ne ngosra no? Awurade mu ahosepe no.

. . . merebo Yerusalem ama no aye ahosepe, na ne man ama no aye ahosepe. Na medi Yerusalem ho ahurisie, . . .

Ohene no a ɔte Ahennwa no so, ɔte adehye animuonyam Ahennwa no so, Daa Ahennwa no, ne Daa man de Daa ahosepe wo Daa Kuro mu! Oh, me!

Na medi Yerusalem ho ahurisie, na me ho asepe me man ho: na wɔrente esu wɔn mu bio, anaase nteateamu.

Wɔrenhunu emu. . . abotafowa a ne nna nware bio, anaase akakoraa a wɔanwie ne nna die: na abɔfra bedi mfirmhyia ɔha ansa na wawu; na ɔdebɔneye ni a wadi mfirmhyia ɔha no ye deɛ wadome no.

Na wɔbesisi adan, na watena mu; . . . wɔayeye bobe nturo, na wɔadi n'aba no bi.

Wɔrensisi adan mma obi ntena mu; (ɛno ye sɛ, wowua na wo ba adi w'adeɛ) . . . wɔrensisi adan, mma obi ntena mu; wɔrennuu, mma obi nni: na me man nna beware aye sɛ dua nna, na wɔn a mayi wɔn yi bedi wɔn nsa ano adwuma akyere.

Wɔrenye adwumayehunu, na wɔrenwo mma mma mpatuwuo; efiri sɛ wɔye wɔn a AWURADE ahɔyira wɔn no asefoɔ, na wɔne wɔn mma.

Na ebeba sɛ, . . . wɔnnya mfrɛɛ no, megye so; . . . (Saa animuonyam ngosra no, a ɛdi Kerubim no akyi!) . . . Megye so; na wɔda so rekasa no, metie.

Pataku ne odwammaa bedidi faako, . . . gyata awe wira sɛ nantwie: ɔwo deɛ dɔtee na ebye n'aduanɛ. Na wɔrenpɔra anaase wɔrenseɛ ewɔ me bepo kronkron no nyinaa so, sɛdeɛ AWURADE sɛɛ. (Ebetumi apa mo ho? Daabi!)

¹³² Yemmue nkɔ akyire ha bio, na Yesaia rekasa bio, wo ti 11 no, nyiyimu 1 kɔsi 9 no. Montie deɛ ɔka wo ha bio, bere a ɔnyaa anisoadehunu no, akyire yi a ɔhunu mmaa no, kwan a wɔbeyɛ wo nna a ɛdi akyire no mu. N-. . . Eye, Yesaia 11, firi 1.

Na duforo bi befifiri afiri Yisai dunsini no mu, . . . a Duban afiri ne nhini mu: (Hwan ne no? Kristo.) . . . efiri ne nhini no mu:

Na AWURADE honhom besi ne so, nyansa ne nhunumu honhom, afotuo. . . mmaninye, nimdeɛ ne. . . AWURADE suro honhom;

Na AWURADE suro beyɛ no hwam: na enye deɛ n'ani hunu so na ɔbebu aten, na. . . enye deɛ n'aso tee so na ɔbedi asem:

Mmom teneneɛ na ɔde bebu aten ama mmɔborɔni, na ɔde asenteneneɛ adi ama asase so amanehunufoɔ: na

ɔde n'anomu abaa bebɔ asase, na ɔde n'anomu honhom akum ɔbɔnefoɔ.

Na tenenee beye n'asene mu abɔsoɔ, na nokoredie aye n'akwaa mu aboomu.

Ɛnna esere so kraman ne odwanten ba betena, na ɔsebo ne apapowa ada (ɛno ye abrekyie); na nantwie ba ne gyata ba ne nantwie a wadorɔ . . . anaase nantwie ba, anaase gyata ne nantwie a wadorɔ betena faako; na abɔfra ketewa aka wɔn.

. . . nantwiberee ne sisire bebom adidi; . . . wɔn mma (na) wɔn ada faako: na gyata awe wira se nantwie.

Na akokoaa begoro ahuritia amena ano, na dee watwa nufɔɔ atene ne nsa aka ɔkyerebene bɔn.

Wɔrenye bɔne anaase wɔrensɛe adeɛ bio ɛwɔ me bepo kronkron no nyinaa so: na nimdee beye asase so mma . . . se nsuo kata po soɔ no.

Hum! Ɛno wɔ saa Yerusalem Foforɔ no mu. Saa “foforɔ” baako no. *Duban* ɛha, ɛretwe adwene asi, *Duban* a ɛfiri Dawid mu. “Ɔye *Duban* na *Aseni*.”

¹³³ Afei, yei akyi no, Ayeforɔ no beɔue. Nnawɔtwe aduɔson akyi no, Ayeforɔ no beɔue wɔ Adiyisɛm ti 19 no, nyiyimu 1 ɛne 16 no. Ayeforɔ no ne N'Ayeforɔkunu na ereba, Ɔhene a ɔye tumfoɔ no. Oh, me! Mennim se ebia yeɔbenya ne nyinaa anaase yeɔnya. Manyanti . . .

Ɛye, momma yen nkenkan yei fa bi, se ɛteɛ biara. Ɛha ne baabi a Ayeforɔ no beba, yei akyi. Mohu? Akyire yi a mfirmhyia Apem ahennie no ba no, afei Kristo de Ayeforɔ no sane ba. Ɛye, 1 kɔsi 16, ɛne ti 19 no.

Na yeinom akyiri no . . .

Saa Amanehunu yi akyi; Mmusuo yi akyi; Nsɔano yi akyi; Ɔhaw yi akyi; watu Satan afiri hɔ no akyi; wɔde mfirmhyia Apem ahennie no asi hɔ no akyi. Monhwɛ!

. . . yeinom akyiri no metee a . . . nkurɔfoɔ pii nne ɔsoro, wɔreka se, Halleluia; Nkwagyee, ne animuonyam, . . . nnidie, . . . tumi, nka Awurade yen Nyankopɔn:

Ɛfiri se n'atemmuo ye nokore na ɛtene: se ɔbuu odwamamfoɔ keɛse no atɛn, a ɔde n'adwamammɔ aseɛ asase no, na ɔtɔɔ ne nkoa mogya so were wɔ ne nsamu.

Na bio ɔno . . . wɔn . . . Na bio wɔkaa se, Halleluia. Na ne wisie foro soro daa daa.

Ɛno ne odwamamfoɔ dada no, “ne wisie foro soro.”

Na mpanimfoɔ aduonu ɛne nnan no ne ateasefoɔ nnan no koto sɔree Onyankopɔn a ɔte ahennwa no soɔ no, reka se, Amen; Halleluya.

Na enne bi firii ahennwa no mu, teaa mu se, Monyi yen Nyankopon aye—Monyi yen Nyankopon aye, mo a moye ne nkoa, ne mo a mosuro no nyinaa, nketewa ne akesee.

Na metee nne bi a ete se nkurɔfokuo kesee nne, . . .

Montie! Mo nie, Asafo. Akyire yi a Ɔkɔ soro wɔ ti 3 no, Ɔno na ɔreba no. Mohu? Na afei nyiyimu 6 no.

Na metee nne bi a ete se nkurɔfokuo kesee nne, ne nsuo bebre nne, ne aprannaa a emu ye den nne, ereka se, Halleluia: efiri se Awurade Nyankopon ade nyinaa so tumfoɔ no adi hene.

Halleluya! Monhwɛ! Adwammaa no ayeforɔhyia no ba seesei. Ɔbaa No nie.

Momma yen ani nnye, na yenhye no animuonyam: efiri se Adwammaa no ayeforɔhyia no adu, na ne yere asiesie ne ho. (Ɔno na Ɔreba no, baanu no, Ayeforɔ ene Ayeforɔkunu.)

Na wɔde nwera pa a ehoa fitaa, a eho tee maa no se ɔmfira: na nwera pa no ne . . . ahotefoɔ tenenee.

Na ɔka kyerɛ me se, Twerɛ, Nhyira ne wɔn a wɔahyia wɔn Adwammaa no ayeforɔ aseɛ. Na ɔka kyerɛ me se, Yɛinom ye . . . Nyankopon asem a eyɛ nokore.

Na me hwee ne nan ase mekotoo no. Na ɔka kyerɛ me se, Hwe nye saa: Meye w'awurakwaa . . . wo nuanom na me kura . . . wo nuanom na me kura Yesu adanseɛ no mu bi: koto Onyankopon: na adanseɛ a (efiri Kristo) Yesu ne adiyie honhom no.

Na me hunuu soro se abue, na . . . ɔponkɔ fitaa bi nie; . . . (oh me!) . . . na deɛ ɔte ne soɔ no . . . wɔfre no Ɔseadeɛye ne Ɔnokwafoɔ, na . . . ɔbu atɛn na ɔtu sa wɔ tenenee mu.

Na n'ani te se ogyaframa, na . . . ahemmotire pii bobo ne ti; . . .

Wɔhyɛ no abotire se deen? “Ahene mu hene.”

. . . na ɔwɔ din bi a wɔatwerɛ, a onipa biara nnim, gyese . . . ɔno nko.

Na ɔhyɛ atadeɛ fitaa bi a wɔde abɔ mogya mu: na ne din de: Nyankopon Asem.

“Mfitiasɛɛ no na Asem no wɔ ho, na Asem no ye Onyankopon. Na Asem no beyɛɛ honam na ɛbetenaa yen mu.” Hwan ne No? Yesu.

. . . na ne din de Nyankopon Asem No.

Na ɛdɔm a wɔwɔ soro no tete apɔnkɔ fitafitaa so di n'akyi, hyehye nwera pa fitaa a eho tee. (Animuonyam! Ɔno na ɔreba no.)

Na afena nnamnam bi firi n'anomu, a...na ɔde bebobo amanaman: na... ɔde dadee poma beyene won: na ɔno na ɔtiatia Onyankopɔn ade nyinaa so tumfoɔ no abufuo a eye den no nsakyiamena no soɔ.

Na ɔwɔ din bi a wɔatwere n'atadee ne n'asene mu se, AHENE MU HENE, NE AWURANOM MU AWURADE.

¹³⁴ Na eye deen? Ne nkurofoɔ ahye No ahenkye Ahene mu hene, ne awuranom mu Awurade. Ɔresane aba Ne Tenabea kronkron no mu, a Onyankopɔn Animpa asra no ngo, se ɔbetena ase na ɔne N'Asafo adi hene wɔ mfirinhyia Apem ahennie no mu. Amen! Se ɔrepue, ɔne Ɔhene tumfoɔ no, akɔfa Ne gyinabere wɔ Ne nkyen, ɔdehyee Asɔrefie foforo a wasra no ngo.

¹³⁵ Afei Adiyisem 6:1 no botae nsia kɔsi Adiyisem 19:21 aba mu.

¹³⁶ Montie seesei, merewie no. Nsɔano Nson No, Totorobento Nson, Nkuruwa Nson, Mmusuo Mmiensa, ɔbaa a ɔwɔ owia mu, wɔretu ɔbonsam no, anaase ɔtweasee kɔkɔɔ no, eba saa mmere yi ntam wɔ Amanehunu keseɔ no mu. Momma mo were mfiri. Saa nnɔɔma yinom nyinaa besisi saa bere yi.

Nanso eha ne botae nsia ma Ne Mmae no. Mo gye di anaa? Animuonyam bere bi wɔ hɔ de ma won a wɔdɔ Awurade no! Meka mekyere wo, adamfoɔ, yɛrentumi nhwere eno. Emma eno mpa woho, dee wo ye biara. Nya ahotoso!

¹³⁷ Afei, Kwasiada a edisoɔ no, se eye Awurade pe a, Mepɛ se mede ma mo, se Ɖbeboa me a, me kyerɛ mo baabi a saa nna nson no mu baako biara, baabi a wɔsiie, mede saa adekorɔ no ara—adekorɔ no ara a me yeɛ no enne no, na mede saa bere nson no, nnawɔtwe nson, nnawɔtwe aduɔson de saa Yudafoɔ tenabea ahye baabi pɛpɛpɛ, na makyerɛ baabi pɔtee a yete ha wɔ awieɛ no mu, se eye Awurade pe a.

¹³⁸ Mo dɔ No anaa? [Asɔrefoɔ no ka se, “Amen.”—Ɖs.] Mɔbetumi ama Ɖsoro apa mo ho anaa? [“Daabi.”] Ye wɔ awieɛ bere no mu!

Edeɛn na Ɖreba abeye? Adeɛ a edikan a ebɛba, ansana Yesu bebɛba asase so no, edeɛn na edikan? Asafo no beye (edeɛn?) wɔbehwim no! Yesu bebɛba asase so na wabenante damena ho, na wakyea papa ene maame nsam, akasa akyerɛ yen nyinaa wɔ ha, na wakɔ soro anaa? Daabi!

Ebeye den na ebeye hɔ? Ɖno...Ye ka yei kyerɛ mo, enam ɔno—enam Awurade Asem so, “Se yen a yetete aseɛ na yereka yi...” Tesalonikafoɔ a etso Mmienu, ti 5, “Yen a yetete aseɛ na yereka akɔsi Awurade Mmae no, rensiane anaase rensi won a wɔ-awuo no ho. Efiri se Onyankopɔn totorobento no behyene; Kristo mu awufoɔ besɔre kane: na yen a yetete aseɛ na yeaka yi wɔaba abehwim yen ne won akɔhyia Awurade ewiem.” Wɔbehwim yen akɔ wɔ bere kakraa bi mu, yebebɔ yeani a yebete no. Saa bere no, eno na eye Asafo Bere no awieɛ.

139 Afei, wɔ asase so ha no Onyankopɔn bɛfiri aseɛ ne Yudafoɔ no adi. Adiyifoɔ baanu bɛwɔ hɔ. Ti 11 no, yɛbɛfa eno wɔ hɔ. Adiyifoɔ baanu a wɔasra wɔn ngo, te sɛ Elia ene Mose, deɛ me susu sɛ eyɛ saa no. Na wɔde nnomee akɛsɛɛ bɛba, akyire yi a wɔahunu sɛ wɔaka wɔn ho abom no, na Roma abu n'apam no soɔ, saa ɔberempɔn no.

Wɔ saa nnawɔtwe a etɔso aduɔson no mfinimfini no, ɔbɛbu ɔne Roma apam no so, anaase Roma bɛbu ɔne Israel apam no so, na eno bɛma akyiwadɛɛ no afiri aseɛ ahwete. Na nyirisramsoɔ kɛsɛɛ no bɛba, bɛɛ a Amanamanmufoɔ nkaɛɛ no, mmaabunu a wɔadedɔ no. . . Ɔtwɛasɛɛ no, Roma, ɔpuu nsuo firii n'anom, sɛ ɔne ɔbaa n'asefoɔ nkaɛɛ no a wɔkura Onyankopɔn ahyɛdeɛ mu no bedi ako. Roma bɛyɛ saa.

140 Asafo nkabomu bɛka wɔn abom, na wɔde Yudafoɔ no aba saa nkabomu no mu, na wɔde wɔn asane aba wɔn ara asɔrefie som no mu bio, ɛwɔ SEDEɛ AWURADE Sɛ NIE mu afiri Twere Kronkron no mu, na wɔbɛnya wɔn ara asafo.

141 Wɔyɛ deɛn seesei? Me kyeree no seesei ara. Eyɛ foforo. Wɔyɛ ɔman seesei, a wɔpene soɔ. Eyɛ nokore saa? Nanso wɔnya nyaa wɔn asɔrefie som no nso. Na bɛɛ a wɔde asɔrefie som no bɛsi hɔ no, na Asafo no kɔ. Onyankopɔn ne Yudafoɔ no bedi sɛ ɔman. Na afei bɛɛ a wɔde wɔn bɛba saa nkabomu no mu no, Roma bɛbu so wɔ afe a etɔso aduɔson no mfinimfini, mfinirihya mmiensa ne fa, ɔbɛbu ɔne wɔn apam no so, na wɔde akyiwadɛɛ a ɛbɔ ɔman no asi hɔ na ɛbɛkɔ so akɔsi ɔsɛɛ pasaa no. Afei ɔbɛfa Matemehofɔɔ no, ne Yudafoɔ no, na wɔataa wɔn. Wɔ saa bɛɛ no mu no, saa adiyifoɔ baanu yi bɛsɔre asase so na wɔadome asase, na osuo rentɔ wɔ wɔn nkɔmhyɛ nna no mu. Na wɔbɛfrɛ Ogya afiri Soro, ene biribiara a ɛka ho. Mo deɛ montwɛn. Yɛwɔ nnɔɔma pii wɔ ha, yɛde asie ama yɛn, sɛ yɛbɛsua adeɛ.

142 Oh, Onyankopɔn kɛsɛɛ bɛn na Ɔyɛ! Agya mmɔborɔhunufɔɔ bɛn nie! Nnamfonom, momma me nka yei, sɛ mo hwɛfoɔ. Monhunu akwanya ahodɔɔ a mo te mu. Monhunu. Nnipa akɛsɛɛ pii wɔ hɔ, ahotefɔɔ pii wɔ hɔ, nnipa kronkron mpem na wɔwuu mfinirihya pii a abɛsene korɔ, Nnipa a Honhom-ahyɛ wɔn mma a anka wɔbedɔ sɛ wɔbɛhunu saa da yi a mote mu yi. Momma no nyɛ mfasoɔ ma mene mo.

143 Edeɛn na ɛsɛ sɛ yɛhwɛ kwan? Edeɛn na yɛbetumi aye yei akyi? Ehe na yɛrekɔ? Edeɛn na ɛrebɛsi? Ɛsɛ sɛ yɛkɔ baabi. Wɔrentumi ntena ha bɛɛ nyinaa. Wɔbetumi de afidie atwa wo nsensan; nnawɔtwe a ɛdisoɔ no ɛhia sɛ wotwa bio; aane, mpɛnnu, ansana saa bɛɛ no. Wɔbetumi atete wo mma yie. Wo ma wɔn awia aduane di; anwummere adidie bɛɛ na ɛkɔm de wɔn bio. Ma wɔn anwummere aduane nni; ɛkɔm bɛde wɔn bio anɔpa a edi hɔ no. Wɔbetɔ mpaboa ama wɔn; sɛ wɔtesɛ me deɛ yi a, ɛbɛyɛ abosome mmienu anaase mmiensa no wɔbetɔ foforo ama wɔn. Wɔbetɔ ntadeɛ ama wɔn bosome yei mu; bosome baako anaase

mmienu akyi wobeto ntadee foforo ama won. Mohu? Biribiara nni ho a etoaso daa. Biribiara nni ho a etim ho. Biribiara nni ho a ebetumi agyina.

Mma w'ani mmere wiase agyapadee a mfasoo
nni soo

Dee eporo ntemo,
Fa w'anidasoo si nnooma a ewo ho Daa so,
Worentwam da!

Nnooma a eresene ntemo ahye bere ma,
Erentumi nnyina wo asase so,
Fa w'anidasoo si nnooma a ewo ho Daa so,
So Onyankopon nsa a ensesa no mu!
So Onyankopon nsa a ensesa no mu!
So Onyankopon nsa a ensesa no mu!
Fa w'anidasoo si nnooma a ewo ho Daa so,
So Onyankopon nsa a ensesa no mu!

Montie:

Bere a y'akwantuo aba awiee no, (Obema yen
ahunu bere a ako awiee.)

Se y'adi nokore ama Onyankopon a,
Yen fie a ewo Animuonyam mu ye fe ena
erehyeren, (Saa Kuro a wasra no ngo no.)
Yen kra a wahwim no behunu!

So Onyankopon nsa a ensesa no mu!
So Onyankopon nsa a ensesa no mu!
Fa w'anidasoo si nnooma a ewo ho Daa so,
So Onyankopon nsa a ensesa no mu!

Mma w'ani mmere wiase agyapadee a mfasoo
nni soo,

Dee ntemo eporo,
Fa w'anidasoo si nnooma a ewo ho Daa so,
Worentwam da!

So Onyankopon nsa a ensesa no mu!
So Onyankopon nsa a ensesa no mu!
Fa w'anidasoo si nnooma a ewo ho Daa so,
So Onyankopon nsa a ensesa no mu!

Bere a y'asi yen tiri ase yi, se wonsoo Ne nsa da a, woremma na wonye no seesei?

So Onyankopon nsa a ensesa no mu!
Fa w'anidasoo si nnooma a ewo ho Daa so,
So Onyankopon nsa a ensesa no mu!

¹⁴⁴ Abaayewa kumaa, woho ye fe, ababaa kumaa seesei. Wo tiri nwi ketewa no ye fe, w'afono nketewa no te apo. Nanso, wo nim, ebeye okyena, kasi saa, wobefiri ho. Ebeye den na yebehunu se nnawotwe a edisoo no mmoa nni, wo dotee mu, saa afono, fefe, nketewa a ete apo no?

¹⁴⁵ Onuabarima abranteε, woho ye den, kesee, ahooɔden wɔwo ntini mu; wowɔ akwanhwe kesee. Nanso akyire yi no, ɔkyena, saa tiri nwi feefe, motomoto no ebesane, na dee aka no bedane edwono. Saa abatire, kesee a etene no bekoa, na mmoa bedi wo nsa no ne enam no. Wɔbesesa wo akɔ, dɔtee no mu.

Enti, fa w'anidasoɔ so nnooma a ewɔ hɔ Daa so,
Wɔrentwam da!

Sɔ Onyankopɔn nsa a ensesa no mu!
Sɔ Onyankopɔn . . .

Wope se wotene mu na wosɔ Ne nsa seesei.

Fa w'anidasoɔ si nnooma a ewɔ hɔ Daa so,
Sɔ Onyankopɔn nsa a ensesa no mu!

Afei se saa akwantuo yi ba awieε a, (Ebeye,
dabi.)

Se wadi nokore ama Onyankopɔn a,
Wo fie a ewɔ Animuonyam mu no ye fe na
ehyeren,
Wo kra a wahwim no no behu!

Aden nti na wonsɔ Onyankopɔn nsa a ensesa no
mu!

Sɔ Onyankopɔn nsa a ensesa no mu!
Fa w'anidasoɔ si nnooma a ewɔ hɔ Daa so,
Sɔ Onyankopɔn nsa a ensesa no mu!

¹⁴⁶ Nnooma pii na mahunu, ebeye mmfirnhya aduasa-baako ni wɔ pono akyi. Mahunu nnooma a eye awerehoɔ; mahunu nnooma a eye animuonyam. Adee a eye awerehoɔ paa a mahu wɔ m'abrabo mu. . . Sɔdee mahunu mmofra wɔ abɔnten a ekɔm de wɔn no; mahunu maamenom woreseresere aduane. Dee eye awerehoɔ paa a mahunu, ye ɔbarima bi, onipa a, ese se anka ɔye Nyankopɔn ba, a ɔda wusu na ɔnnim Onyankopɔn.

¹⁴⁷ Me kae ɔbaa bi a ɔgyina asɔre pono no ano, anadwo baako bi, na ɔseree me. Na ɔkaa se, "Meremma me nantwie mma nyamesom a ɔwɔ no bi!" Annuru dɔnhwere baako akyi, wɔfrɛ me kɔ ayaresabea. ɔbaa hoofefo, wadi beye mfirmhya aduonu-mmien, na ɔreteateam, "Momfre saa ɔsenkani no mmra ha!" Na ɔye Katolik ni, gyidie nti.

Bere a me kɔ hɔ no, onuabaa panin no kaa se, "Waka akyire paa, Onuabarima Branham. ɔwui beye simma nnum a abesene korɔ."

Me kaa se, "Metumi ahu no?"

ɔkaa se, "ɔteam frɛ wo, wɔ n'asem a edi akyire no mu, 'Momfre saa ɔsenkani no, Onuabarima Branham!'"

Na ne kunu wɔ hɔ, reteam, "Bɔ mpaε ma no! Bɔ mpaε!"

Me kaa se, "Aka akyire paa seesei."

148 Metwee akatasoɔ no baa fam. Na ɔbaa no wɔ aniwa kɔkɔ akeseɛ. Ɔbaa hoɔfɛfoɔ; nsisiwa kakra wɔ n'anim; tiri nwi bruu; eye fe yie. Na ɔbaa no ahunu amanee paa kɔsi se na nsisiwa no wɔ n'anim tese nsaa. Ɔbaa no ani apu kɔ soro afiri wɔn tokuro no mu, te saa. Na, ewom, ɔbaa no afuru ena ne saa ahono, a na ewo mu—mu. . . Obiara ye saa bere a wɔda wusu, dodoɔ no ara. Na ɔno na ɔwɔ ho no, na ɔda saa tebea no mu, na n'ano abue. Na ɔbaa no ani ha, na n'ani kɔkɔ no ne fa akata. Me were remfiri da. Saa nnwom no baa m'adwene mu.

Mma wani mmere saa wiase agyapadeɛ a eho nni mfasoɔ no. (Ahoɔfe, apɔmpɔmpɛ.)

149 Me gyinaa ɔbarima bi ho wɔ Port Fulton ha, na ɔda wusu. Wɔfrɛɛ me kɔ ne mpa ho. Na mene no bɔɔ mpaee wɔ afɔrebukyia no anim anadwo baako bi. Ɔde ne nsa too ɔbaa no so. Me kaa se, “Yi wo nsa firi saa awuraa no kɔn mu.”

Ɔkaa se, “Merediti kan akɔ Onyankopɔn nkyen.”

150 Me kaa se, “Emfa wo nsa nto ne so.” Me ngye saa nnoɔma te saa no nni. Ne bo fuu me. Ɔde ne nan bɔɔ pono no mu.

Me kɔɔ ne nkyen, akyire yi no, bere a na ɔrewuo no. Ɔhwɛɛ m'anim, ɔkaa se, “Mmɔ mpaee mma me, Onuabarima Bill. Mayera. Ma wu.” Ɔkaa se, “Deɛ menyaaɛ nyinaa, afiri ho.”

151 Me gyinaa ntweaso ha pɛɛ, kakraa bi firii ha, dakoro bi, akɔ onipa bi a ɔfrɛɛ me baa ne mpa ho bere a na ɔda wusu. Ɔkaa se, “Na mɛpɛ sɛɛ-ene-sɛɛ, ena sɛɛ bere biara.” Ɔkaa se, “Nanso mansom Awurade da. Mmɛɛ pii na mafiri ho se merekɔ afɔrebukyia no anim.” Ɔkaa se, “Onuabarima Branham, bo mpaee se Onyankopɔn bɛma m'abaayewa kumaa no apata ama nnoɔma a meyeɛɛ no. Ebia ɔbetumi aye biribi ama Awurade.”

152 Me kaa se, “Eno rentumi nye ho, onuabarima. Nnoɔma a anka ese se woye no afiri ho.” Hum!

153 Me gyinaa ɔbarima bi ho, mehunu no se ɔne ahonhommɔne di asie beye ɔnhwere aduonu-nnan. Ɔkaa se ahonhommɔne gyina ne mpa ho a nkɔnsɔnkɔnsɔn akyekyere wɔn kɔn mu. Ɔkaa se, “Mommma wɔn nya me!” Ɔreteateam; mesɔɔ ne mu wɔ mpa no so. Ɔkaa se, “Ɔno na ɔgyina ho no. Morentumi nhunu? Ɔreba me so.” Na wafiri Nyankopɔn ho, mmɛɛ tenten dodo. Ɔwɔ ɔsan keseɛ a esere aye no ma, atokɔɔ aye no ma, mpɔnkɔ kamakama a wɔtu mmirika akansie. Afe baako ansana eno, ɔdomeɛ Nyankopɔn wɔ N'anim, ɔhwee ne yere sotoɔ se wako asɔrefie. Monim deɛ esiis? Ayerɛmoo sii ne san no mu, na ekumm n'apɔnkɔ no, hyee ne sere no. Na ɔbarima no wuui wɔ nkaberekyerɛ bi ase, ɔrepam ahonhommɔne firi ne so.

154 Na m'adamfo dada bi (animuonyam!) ɔgyina nohoa, na ɔbeduruu ekwan no awieɛ. Me kaa se, “Worekɔ anaa, papa?”

Ɔkaa se, “Yei ne no, Billy.”

Me kaa se, “Ete sen?”

¹⁵⁵ Ɔkaa se, “Ne nyinaa ye.” Ɔkaa se, “Mo mfa me mma no mmra mpa no ho.” Ɔde ne nsa mmeremerε no too ne mma no mu biara so na ɔhyiraa wɔn. Ɔka kyerεε ne mma mmienu no, ɔkaa se, “Monsɔ me nsa mu, momma so nkɔ soro, te se deε Yoshua ne Kaleb yeεεε no.” Eyεε yen nwanwa deε na ɔrebeka. Ɔkaa se:

Anigyεε da, anigyεε da,
 Berε a Yesu hohoroo me bɔne guuiε no!
 Ɔkyerekyerεε me senea me nnwen na me mmo
 mpaεε,
 Na mentena anigyεε mu da biara.

Yεwɔ saa nnoɔma no bi a εse se yεnya, nnamfonom! Obiara nni hɔ a ɔmpε se ɔbedi aduane papa, atena teaseenam papa mu, yeβetumi anya deε eyε paa. Memmɔ no soboɔ. Ne nyinaa ye. Onyankopɔn pε se monya saa, nanso:

Mma w’ani mmere wiase agyapadeε a mfasoɔ
 nni soɔ,
 Deε εporɔ ntemso,
 Fa w’anidasoɔ si nnoɔma a εwɔ hɔ Daa so,
 Wɔrentwam da!

Momma yemma yen nsa so seesei berε a yereto dwom no.

Sɔ Onyankopɔn nsa a ensesa no mu!
 Sɔ Onyankopɔn nsa a ensesa no mu!
 Fa w’anidasoɔ si nnoɔma a εwɔ hɔ Daa so,
 Sɔ Onyankopɔn nsa a ensesa no mu!

¹⁵⁶ Berε a yegyina hɔ yi, momma yen ndane yen ho na yenkyea obi seesei. Yeβetoa, ɔsom no so, berε kakra. Nanso me pε se modane mo ho berε a yereto saa nnwom no nyiyimu foforɔ no.

Sɔ Onyankopɔn nsa a ensesa no mu!

Ye saa, agya! Ye saa, papa! Nkyere Nyankopɔn! Ye saa, akumaa! Ye saa, onuabarima! Ye saa, onuabarima!

Fa w’anidasoɔ si nnoɔma a εwɔ hɔ Daa so,
 Sɔ Onyankopɔn nsa a ensesa no mu!

¹⁵⁷ Mo ani nye mmaa No? Monka se “Amen!” [Asɔrefoɔ no ka se, “Amen!”—Ɔs.] Mo a mo dɔ No nyinaa, monka se, “Monyi Awurade aye.” [“Monyi Awurade aye!”] Mo a mogyedi se morekɔ saa Kuro ahinannan no mu no, momma mo nsa so. (Momfa mo dwom, no ntwen, simma kakra.)

M’ani kyerε saa Kuro fεεfε no, (Sen na εsi kɔ
 seesei?)
 Awurade asiesie ama Ɔno ara Ne deε;

Baabi a wɔn a wagye wɔn nyinaa firi mmere
 santene mu
 Wɔto dwom “Animuonyam!” Ahennwa Fitaa
 no ho hyia;
 Etɔdabi a m’ani gyina Ɔsoro,
 Na animuonyam a mehu wɔ hɔ no:
 Anigyee ben na ebeye, se me hu m’Agyenkwa
 no a,
 Wɔ saa sika kɔkɔ Kuro fɛɛfe no mu.

Wo mpe eno anaa?

M’ani kyere saa Kuro fɛɛfe no,
 M’awurade asiesie ama Ɔno ara Ne deɛ;
 Baabi a wɔn a wagye wɔn nyinaa wɔ mmere
 santene mu no
 Wɔbetɔ dwom “Animuonyam” atwa Ahennwa
 Fitaa no ho ahyia;
 Oh, etɔ dabi a na m’ani agyina Ɔsoro,
 Na anigyee a mehu wɔ hɔ no:
 Anigyee ben na ebeye, se mehu m’Agyenkwa no
 a,
 Wɔ saa sika kɔkɔ Kuro fɛɛfe no mu.

Mo dɔ No anaa? [Asɔrefɔɔ no ka se, “Amen.”—Ɔs.] Afei:

Mone Yesu Din no nkɔ,
 Awerɛhoɔ ba ene amaneɛ;
 Ebema wo anigyee ene awerɛkyekyerɛ,
 Mone No nkɔ baabiara a mo kɔ.
 Din a Ɛsomboɔ, (Din a ɛsombo!) O sɛnea eye de
 fa! (O sɛnea eye de fa!)
 Asase so anidasɔɔ ene Ɔsoro anigyee;
 Din a Ɛsomboɔ, (Din a ɛsombo!) O sɛnea eye de
 fa!
 Asase so anidasɔɔ ene Ɔsoro anigyee.

Afei, mommma mo werɛ mfiri Kwasiada anɔpa a ɛdisɔɔ no,
 nnɔnkron-ne fa. Na afei yebebo mmɔden, se eye Awurade pe a, na
 y’awie wɔ bere pa mu, se yebebo mpaɛɛ ama ayarefɔɔ, Kwasiada
 anɔpa a ɛdisɔɔ no wɔ nnɔnkron-ne fa.

Wɔ Yesu Din mu yerekoto,
 Yerebutu Ne nan ase,
 Ahene mu Hene wɔ Soro yebehye No ahenkye,
 Se y’akwantuo ba n’awieɛ a.
 Din a Ɛsomboɔ, (Din a ɛsombo!) O sɛnea eye
 de fa! (O sɛnea eye de fa!)
 Asase so anidasɔɔ ene Ɔsoro anigyee;
 Din a Ɛsomboɔ, (Din a ɛsombo!) O sɛnea eye
 de fa!
 Asase so anidasɔɔ ene Ɔsoro anigyee.

Montie saa nyiyimu yi:

Wɔ Yesu Din mu yerekoto,
 Sɛ ekyem firi fidie biara ho;
 Sɛ nsɔhwɛ twa wo ho hyia a,
 Home saa Din kronkron no wɔ mpaebɔ mu.
 (Eno na ebeyɛ!)

Din a Esomboɔ, (Din a esomboɔ!), O sɛnea eyɛ
 dɛ fa! (O sɛnea eyɛ dɛ fa!)

Asase so anidasɔɔ ene Osoro anigyɛɛ.

Din a Esomboɔ, (Din a esomboɔ) O sɛnea eyɛ dɛ
 fa!

Asase so anidasɔɔ ene Osoro anigyɛɛ.

Afei me dane osom no ma ɔhwɛfoɔ no, Onuabarima Neville,
 sɛ ɔbɛka n'asɛm a ɔde rewie ne dɛɛ ɔbɛka biara.



BOTAE NSIA NTI A GABRIEL BESERAA DANIEL AST61-0730E
(The Sixfold Purpose Of Gabriel's Visit To Daniel)

DANIEL NNAWOTWE ADUJONSON NO NNIDISOD

Saa Nkransem a efiri Onuabarima William Marrion Branham yi, akaa no wo Brɔfo ankasa mu wo Kwasiada anwummeɛ, Kutawonsa 30, 1961, ewo Branham Tabernacle ewo Jeffersonville, Indiana, U.S.A., woyi firii nea wakyere agu ahoma so na wɔatintim no sedee akaa no ara wo Brɔfo mu. Saa nkyeraseɛ a ewo Asante Twi mu yi Voice of God Recordings na etintimiiɛ na wokyekeɛ.

ASANTE TWI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Suayɛ Tumi Ho Nkaebo

Ɛho tumi nyinaa yɛ twɛrɛfoɔ no dea. Saa nwoma yi wobɛtumi atintim no afidie so wɔ ɛfie afa anaa sɛ wo bɛkyekyɛ, a worennye sika, sɛ biribi a ɛbɛma Yesu Kristo Asempa no bɛtrɛ. Worentumi ntɔn saa nwoma yi, ntintim no pii, mfa nto website so, mfa nsie wɔ afidie biara mu, nkyere aseɛ nkɔ kasa biara mu, anaa mfa nsrɛsrɛ sika wɔ bɛrɛ a wo nyaa akwanya krataa a ɛfiri Voice of God Recordings®.

Sɛ wopɛ ho nsɛm anaa nnoɔma bi a ɛwɔ ho a, me sɛrɛ sɛ twɛrɛ kɔ:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org